

پاکستان ء تہی (Internal) ء میاں استمانی کرائسز

بی ایس او (آزاد) لبرائنکی کمیٹی

جونیں ہم راجی جنز یا تحریک ء بہ بیت یا انچائیں جنگ بہ بیت، ہما تحریک ء جنز ء گوں بندوکیں سیاسی کیڈر ء انقلابی جہدکارانی سرا المی انت کہ آ ہما دژمن ریاست ء تہا سر چست بوتگیں دراہیں جاورہال، آئی تہی معاملات، چیڑہ ء جنجال، طاقت ء مسائل، نزوری ء کمزوری، شری ء ہرابی ء جوانیں وڑے ء اسٹڈی بکنت ء بزانت، تنا وھدے کہ تو وقی دژمن ء نہ وانے ء سرید نے گڑا اے بلکیں گران بیت کہ تو دژمن ء وھدی لوٹے بنیاد ء شکست دات بکنے۔ ہمے وڑ ہرچ بلوچ جہدکارانی سرا ہم المی انت ء ہاس کر سیاست ء گوں بندوکیں سیاسی جہدکارانی سرا اے گپ المی انت کہ آپاکستان ء شریں وڑے ء ہوان انت ء سرید بہ بنت ء پاکستان ء دراہیں معاملات ء اپٹریز ء سہی بہ بنت تنا وھدے کہ ما دژمن ء حالات ء چیڑہ ء نزوری ء

مه زانے ما درژمن ۽ هلاپ ۽ منظم ۽ مهکمیں پالیسی سازی کت نکن
ایں۔

پجار:

پاکستان انی ۽ وهده ۽ تہی ۽ ڈنی دوئیں نیمگ ۽ مزنیں جیڑه ۽
جنجالانی آماچ ۽ انت، آ جیڑه جتائیں رنگ ۽ شکل ۽ وجود دار آنت ۽
ریاست دگنیا ۽ جم ۽ بطور ۽ یک Banana failed state
republic ۽ بنیاد ۽ چارگ ۽ زانگ بووگ ۽ انت۔ اگان میاں استمانی
سطح بزانه externally اگان ما پاکستان ۽ سیاسی، معاشی،
ڈیپلومیٹکی ۽ الاٹنسز ۽ بنیاد ۽ ما گپ بکنیں گڑا عالمی سطح ۽ انیں
پاکستان گیش ۽ گیش آٹسولیت بوتگ ۽ دگنیا آئی سرا جوانیں وڑے ۽
اعتماد کنگ ۽ نه انت، چین پاکستان ۽ توک ۽ هما رنگیں که ملٹری ۽
معاشی توقع مروچی ۽ چه ده سال پیش داشتگ آ مروچی ناامید بوان
انت، سی پیک ۽ ایندگه پروجیکٹ ۽ چین ۽ پاکستان ۽ کمک بند کتگ،
سعودی، یو اے ای ۽ ایندگه عرب ملک که زی پاکستان ۽ را مدام
کمک ۽ مدت کتگ ۽ هرچ رنگیں هالاتاں پاکستان ۽ واسته اوشتاتگ ۽
پاکستان ۽ توک ۽ معاشی ۽ کاروباری معاملات ۽ ریاست ۽ را مدام کمک
کتگ بلے مروچی گندگ بووگ ۽ انت که پاکستان ۽ سرا عرب ملکانی
هم اعتماد ۽ بهروسه پرشت ۽ پرورش ۽ آماچ بوتگ که آئی مسترین
مثال انیگیں سعودی عرب ۽ کنگ سلمان ۽ پاکستان ۽ آئیگ ۽ شیڈیول
جاری کنگ ۽ پد هم نه ایگ بوتگ که چریشی ۽ چه ریاست ۽ گیش
بدنامی بوتگ هم وڑ امریکه ۽ بهروسه هم پاکستان ۽ کم بوتگ ۽ چین
۽ گوم ۽ نزیکی ۽ چه امریکی ۽ پالیسی میکرز چه پاکستان ۽ وش گندگ
پیداک نه آنت۔ روس ۽ انیں زوت ۽ پاکستان ایمبسی ۽ وقی بیانے ۽

توک ۽ گشتگ آت کہ روس پاکستان ۽ توک ۽ سیاسی **instability** ۽ نزیک ۽ گوں چارگ ۽ انت بزآنکہ روس کہ پاکستان ۽ جوانیں گندم ایمپورٹرے بوتگ ۽ انیں گلوبل پالیٹکس ۽ توک ۽ بطور اہم ۽ پلیرے ہم پاکستان ۽ تعلقات ۽ گوں وش نہ انت کہ پاکستان یوکرین ۽ روس ۽ جنگ ۽ توک ۽ گیش ویسٹ ۽ سائیڈ ۽ اوشتوکیں ریاستے جوڑ بوتگ۔ معاشی کنگالی ۽ جیڑہ آنی وجہ ۽ چہ پاکستان دگنیا ۽ توک ۽ وتی استیں ایمبیسسی آنی تنخواہ ۽ ہم شرین وڑے ۽ دات کنگ ۽ نہ انت، پاکستان ۽ پولیٹکل **instability** ۽ معاشی معاملات آنی سبب ۽ دگنیا ۽ پاکستان ۽ سرا پریشہ ہم گیش بوان انت، آئی ایم ایف، ورلڈ بینک ۽ شرائط ہم گیش بوان انت ۽ ایشی سبب ۽ پاکستان ۽ سرا گیش پریشہ دایگ بووگ ۽ انت۔ ایران ۽ گوم ۽ انیگیں باڈر کلیشز کہ پاکستان ایران ۽ توک ۽ بلوچ لس مہلوک ۽ سرا ہملہ کنت ۽ ہمے وڑ ایران پاکستان ۽ سرا ارش کنت ۽ اے نیمگ ۽ بلوچ ۽ کشیت بلئے اے ہمے گپ ۽ اظہار ۽ کنت کہ پاکستان کہ ایران ۽ گوں 970 بارڈر شئیر کنت ۽ دوئیں ملکانی تعلقات آنی نویت اے رنگ ۽ گندگ کثیت کہ ملک بگیر یکے دومی ۽ گوم ۽ اتحاد ۽ یکے دومی ۽ سرا ارش کنگ ۽ انت، ہمے وڑ افغانستان ۽ گوم ۽ کہ پاکستان ۽ مزین ہمسانگ ملیے کہ دوئیں نیمگ ۽ پشتون آبادی نشنگ ۽ دومی نیمگ ۽ کاروبار ۽ معاملات زندگی ۽ توک ۽ دوئیں ملکانی توک ۽ یکے گومی ۽ گوم ۽ مزین نزدیکی است انت بلئے انیں کہ طالبان ۽ حکومت اتکگ پاکستان ۽ را مزین چیلجنز پیدا آنت ۽ پاکستان افغان طالبان آنی گوم ۽ باز رندا ۽ ڈائریکٹ جنگ ۽ نیمگ ۽ اتکگ، پاکستان ۽ توک ۽ ڈرون ۽ ایندگہ فضائی حملہ ۽ ہوار ایندگہ ارش کہ طالبان ۽ ایشی مکابلہ ۽ پاکستان ۽ بارڈر فورس ۽ سرا مزین کساسے ۽ ارش کنگ ۽ ہمے وڑ پاکستان ۽ افغانستان ۽ واستہ ویزہ شرط لاگو کنگ کہ ایشی ہلاپ ۽ چمن ۽ گواستگین دہ ماہ ۽ گیش انت کہ احتجاج بووگ ۽ انت ۽ اے احتجاج

روچ پہ روچ گیش مستر بوان آنت۔ همے حساب ۽ ما گندیں کہہ پاکستان ۽ انڈیا ۽ گوم ۽ تعلقات ہم گیش ہراب بوتگ آنت، انیں زوت ۽ کشمیر ۽ توک ۽ جہادیانی ارش بوتگ آنت، انڈیا ایشانی بنیاد ۽ پاکستان ۽ را سرید بووگ ۽ آنت ۽ بارڈر ۽ نیمگ ۽ کلپش آنی گیش بووگ ۽ گنجانٹش است آنت، انیگیں کہہ کشمیر ۽ توک ۽ احتجاج ۽ پروٹیسٹ ۽ ایندگہ ایکٹیوٹی بوتگ آنت، ایشانی پشت ۽ ہم پاکستان انڈیا ۽ سرا جنگ ۽ آنت کہہ زانگ بیت کہہ دوئیں ملکانی تعلقات انیں زوت ۽ شریں پوزیشن ۽ نہ آنت۔ همے وڑ کہہ پاکستان ۽ پیسرا ملٹری ۽ ایندگہ فنڈز ہم کم ۽ چہ کم بوتگ آنت ۽ پاکستان گواستگین پوزیشن ۽ حساب ۽ کمک ۽ مدت گپت کنگ ۽ نہ آنت چشکہ پیسرا دہشتگردی ۽ ہلاپ ۽ جنگ ۽ نام ۽ چہ پاکستان کہہ اے فنڈز گپتگ آنت۔

همے وڑ کہہ پاکستان عالمی سطح ۽ تاوان ۽ نقصان ۽ توک ۽ آنت ۽ آئی ایٹیت ۽ اہمیت روچ پہ روچ ہلاس بوان آنت ہمے وڑ پاکستان تہی بنیاد ۽ ہم مزنیں جیڑہ ۽ جنجالانی آماج آنت۔ پاکستان ۽ تہی سطح ۽ ہم گیش نزور تر اتگگ۔ پاکستان ۽ بنیادی ڈھانچہ ۽ نظریہ روچ پہ روچ ہلاس بوتگ ۽ مروچی ہرچ ہند ۽ دمگ ۽ نیشنلزم گیش مضبوط بوان آنت۔ پاکستان ۽ توک ۽ فیڈریشن سنس سرجم ۽ ہلاس آنت، ملک ۽ سرا پئوج ۽ قبضہ آنت ۽ نام نہادیں جمہوریت کہہ پہ نام بوتگ مروچی دگنیا ۽ دیم ۽ ظاہر آنت۔ معاشی ہوالہ ۽ ملک دیوالیہ ۽ برابر آنت کہہ جتائیں ملکانی زورنگیں وامانی سرا جنزگ ۽ آنت، ریاست ۽ انیگیں دانگیں بجٹ ۽ 52 فیصد بجٹ وامانی دایگ ۽ گون راوگ ۽ آنت ۽ ایندگہ گیش پئوج ۽ سیکورٹی ۽ سرا لگیت بزائکہ ریاست ۽ وتی دیمروٹی ۽ پروگریس ۽ واستہ ہج رنگیں معاشیت نیست، ہمے وڑ ملک ۽ توک ۽ تیل ۽ بگر داں کسانیں معاملہ ۽ مہنگائی وتی انتہا ۽ آنت، ملک ۽ توک ۽ سیکورٹی تھریٹ ۽ سبب ۽ ہج رنگیں

کاروبار پیداڪ نہ انت، سعودی عرب ۽ حوالہ ۽ گواستگیاں سئے سال
 انت کہ دعویٰ بووگ ۽ انت کہ اے روچ ۽ آ روچ پاکستان ۽ توک ۽
 کئیت سرمایہ کاری کنت بلئے انگت ہج رنگیں سرمایہ کاری پاکستان ۽
 پیداڪ نہ انت چشکہ گواستگیاں ماہاں سعودی حکومت ۽ معاشی
 ٹیم ۽ پاکستان ۽ انگگ ات بلئے چشیں سرمایہ کاری ۽ اعلان ۽ بگیر واتر
 بوت انت ہمے رنگ پاکستان ۽ معیشت ۽ ہال انت آئی ۽ چہ مستریں
 جیڑہ آئی گورا سیکورٹی انت، پاکستان ۽ پئوچ بلوچستان ۽ توک ۽ روچ
 پہ روچ شکست وران انت، بلوچ سرمچارانی دیم ۽ دژمن لاچار گندگ
 پیداڪ انت، انہں زوتاں بولان، نوشکی، کولواہ ۽ مند ۽ ایندگہ علاقہ ۽
 ریاست ۽ مزنیں کساہیہ ۽ بلوچ سرمچارانی ہلاپ ۽ آپریشن کنگ ۽
 اعلان کتگ ات، وتی پئوچ بلوچستان ۽ بازیں ہنداں کوہانی تہا ایر
 گیجگ ۽ جہد کتگ ات، بلئے جنگ ۽ ولننگ ۽ نہ بووگ ۽ بلوچ
 جہدکارانی جنگی ۽ گوریلا حکمت عملیانی سبب ۽ ریاست ۽ دراہیں
 علاقہ ۽ آپریشن بے پائدگ ۽ ہلاس بوت انت۔ بلوچستان ۽ مزنیں
 جغرافیہ ۽ بلوچ گوریلا فوج ۽ مہکمیں جنگی حکمت عملی آئی دیم ۽
 دژمن روچ پہ روچ شکست وران انت۔ ہمے وڑ ما گندیں کہ خیبر
 پختوانخواہ ۽ پشاور کہ افغان بارڈر ۽ گوں ٹچ کناں دوئیں جاہاں
 تحریک طالبان پاکستان، پئوچ ۽ ریاست ۽ واستہ بلائیں خطرہ ۽ جوڑ
 بوتگ ۽ ہاس کر کے پی کے ۽ ٹرائیبل ایریا ۽ پاکستانی فوج طالبانانی
 دست ۽ ہر روچ حملہ ۽ زد ۽ انت ۽ بازیں علاقہ طالبان ۽ اثر و رسوخ
 ۽ توک ۽ انت۔ پاکستان ۽ را طالبان ۽ ہوار پشتون علاقہ آئی توک ۽
 داعش، ائی ایس آئی ایس خراساں ۽ دگہ بازیں جہادی تنظیم سرجم ۽
 ایکٹیو انت، چینی ۽ ایندگہ پروجیکٹ مسلسل حملہ آئی زد ۽ انت کہ
 داسو حملہ ۽ پد ہمے زوتاں خیبر پختوانخواہ ۽ توک ۽ دگہ پنچ چینی
 آئی مرگ ۽ چین ۽ پاکستان ۽ تلعقات سک ہراب جوڑ کتگ انت۔
 بلوچستان ۽ خیبر پختوانخواہ ۽ اے وهداں ریاست سیکورٹی ۽ مزنیں

چیلنجز دیمپان انت کہ مشک، جاؤ، کیچ ۽ بلوچستان ۽ دگہ بازی ہنداں دژمن ۽ مزنیں کسایے ۽ وتی کیمپ ۽ پئوج در کتگ۔ ہمی وژ کہ پاکستان سیکورٹی چیلنجزانی شکار انت ہم وژ پاکستان ۽ را اے وهداں تہا سیاسی عدم استحکام ۽ شکار ہم است انت۔ 2022 ۽ پاکستان تحریک انصاف بزانکہ پی ٹی آئی ۽ حکومت ۽ ہلاسی ۽ بد پاکستان ۽ توک ۽ سیاسی عدم استحکام وسیع پیمانہ ۽ مزن بوتگ چو نہ انت کہ پی ٹی آئی حکومت ۽ چہ پیش پاکستان سیاسی استحکام ۽ تہا بوتگ بلئے آوهداں ن لیگ، پیپلز پارٹی ۽ جمعیت اسلام (ف) وژیں گروپ پئوج ۽ دیم ۽ بوتگ انت کہ پئوج ۽ را مزنیں کسایے ۽ پریشرانز کنگ ۽ کامیاب نہ بوتگ انت بلئے پی ٹی آئی ۽ حکومت ۽ کشگ ۽ آئی جاہ ۽ ن لیگ ۽ را حکومت داہگ ۽ گون پئوج ۽ ہلاپ ۽ نفرت پنجاب ۽ توک ۽ تک پھیلتگ کہ آئی مستریں مثال گواستگیں سال ۹ مئی ۽ گندگ بیت کہ پنجابی مزنیں کسایے ۽ در کاینٹ ۽ پاکستانی پئوج ۽ کیمپانی سرا حملہ کن انت، پئوجیانی پوتلہ ۽ پروش انت ۽ پئوج ۽ پی ٹی آئی ۽ حمایتی آنی میاں ۽ یک جنگ بندات بیت۔ گواستگیں نام نہادیں الیکشن ۽ بد ہم اے سیاسی عدم استحکام ہلاسی ۽ نام نزانت ۽ گیش حالات ہراب جوڑ بوتگ انت۔ ہمی وژ عدالتی نظام ۽ پئوج ۽ درمیان ۽ ہم جنگ روچ پہ روچ گیش ہوان انت کہ پاکستان ۽ تہا آئینی ۽ قانونی بحران ۽ دیما آرگ ۽ انت۔ ایش دراہیں معاملات ۽ جہل ۽ یک یک ۽ تفصیل ۽ گون گپ کنیں۔

میاں استمانی جاورال

پاکستان ۽ یو ایس ۽ تعلقات:

پاکستان ۽ عالمی تعلقاتانی توک ۽ امریکہ ۽ اثر و رسوخ ۽ مزنیں رولے است انت۔ امریکہ نا ایوک ۽ پاکستان ۽ اتحادی یے بلکہ پاکستان ۽ سیاست، سیکورٹی، معیشت ۽ ایندگہ معاملاتانی توک ۽ امریکہ ۽ مزنیں کردارے مدام گندگ ۽ کثیت انت۔ گوکہ پاکستان ۽ لس مہلوک ۽ نیمگ ۽ چہ امریکہ ۽ ہاترا مثبت ۽ رویہ نیست انت بلئے پاکستان ۽ اسٹیبلشمنٹ ۽ امریکہ ۽ گوں مہکمیں ۽ جوانیں تعلق است انت ۽ پاکستان ۽ ایلپت کلاس ۽ معاشی ۽ سوشل زندگی گیش گوں امریکہ ۽ بندوک انت۔ انیں زوتاں ہاس کر 2018 ۽ پی ٹی آئی ۽ حکومت ۽ ایگ ۽ گوں امریکہ ۽ پاکستان ۽ تعلقات گیش ہراب بوتگ انت، ایشی سبب ایوک ۽ پی ٹی آئی حکومت نہ بوتگ بلکیں اسٹیبلشمنٹ ۽ چین ۽ گوں نزدیکی ہم بوتگ۔ سیکورٹی ۽ ہوالہ ۽ امریکہ کدی ہم وش نہ بیت کہ Arabian ocean ۽ چین ۽ مہکمیں اثر و رسوخ ۽ بہ بیت پمشیکہ چین ۽ گوادر ۽ ایگ ۽ گوں امریکہ چہ پاکستان ۽ وش نہ بوتگ ہمے وڑ پاکستان ۽ گوں روس ۽ تعلق ۽ ہم امریکہ وش ۽ اظہار نہ کتگ، ہاس کر امریکہ ۽ توک ۽ ڈونلڈ ٹرمپ ۽ حکومت ۽ ایگ ۽ گوں امریکہ ۽ پاکستان ۽ ہوالہ ۽ وتی پالیسی کمیں باز شفٹ کت انت ۽ پاکستان ۽ فوجی کمک ۽ مدت ہم کسانیں مدتے ۽ تک بند کت، اے military aid امریکہ ۽ توک ۽ بائیڈن حکومت ۽ ایگ ۽ گوں واپس پچ کنگ بوتگ ۽ ہمے وڑ پاکستان ۽ روس ۽ تعلقات ۽ چہ ہم امریکہ وش نہ ات ۽ اے روچ ۽ کہ یوکرین ۽ سرا روس حملہ کنت اے روچ ۽ پاکستانی وزیراعظم روس ۽ موجود بیت کہ ایشی ۽ امریکہ سک نہ وش ۽ اظہار ۽ کنت۔ پدا ہمے پوائنت ۽ عمران خان زوریت ۽ پئوچ ۽ سرا الزام جنت کہ منی حکومت امریکہ ۽ ہلاس کتگ، گوکہ اے گپ ۽ توک ۽ چینکس راستی است یا نیست زانگ نہ بیت بلئے پاکستان ۽ گوں چین ۽ نزدیکی ۽ افغانستان ۽ چہ امریکہ ۽ در ایگ ۽ وهد ۽ پاکستان ۽ گوں افغان طالبان ۽ دوستی ۽ امریکہ ۽ مزنیں

کساسے ۽ سپورٹ نہ کنگ ۽ چہ امریکہ پاکستان ۽ وش نہ بوتگ بزائکہ گواستگیں وهداں هاس کر افغان وار (1979-1990) ۽ وهداں بگر داں "وار آن ٹیرر" ۽ وهداں پاکستان چشکہ امریکہ ۽ اتحادی ۽ بوتگ ۽ امریکہ ۽ نیمگ ۽ چہ پاکستان ۽ واستہ مزین کساسے ۽ معاشی کمک ۽ مدت بوتگ آ مروچی نیست انت پمشیکہ امریکہ ۽ نیمگ ۽ چہ آئی ایم ایف، ورلڈ بینک ۽ ایندگہ معاشی اداربانی نیمگ ۽ چہ پاکستان ۽ سرا دباؤ دایگ بوتگ ۽ یوکرین روس ۽ جنگ ۽ پد پاکستان مجبور کنگ بیت کہ آ یوکرین جنگ ۽ هلاپ ۽ روس ۽ جاریت ۽ مذمت ۽ بکنت۔ چیزے وهد بیت کہ امریکہ ۽ نیمگ ۽ چہ پاکستان ۽ سرا چہ مالی اداربانی نیمگ ۽ دباؤ گیش کنگ بوتگ ۽ امریکہ افغانستان ۽ در ایگ ۽ رند یک رندے پدا پاکستان ۽ گوم ۽ وتی تعلقات ۽ شر کنگ لوئگ ۽ انت ۽ پاکستان ۽ زمین ۽ انچو استعمال کنگ لوئگ ۽ انت چشکہ افغانستان ۽ سرا حملہ کنگ ۽ پیش استعمال ۽ کنگ بلے چین ۽ گوم ۽ نزدیکی ۽ تعلقاتانی سبب ۽ پاکستان اے کارا کت کنگ ۽ نہ انت گڑا دوئیں ملکانی تعلقات نارمل انت ۽ اے نارملائزیشن پاکستان ۽ واستہ سک ۽ مزین **burdened** ۽ جوڑ بووگ ۽ انت پرچا کہ پاکستان ۽ معشیت ۽ بگر داں جنگی قوت ۽ را گیش کنگ بزائکہ مروچی هم پاکستان کہ اے ایف 16 طیارہ ۽ استعمال کنت اے پاکستان ۽ وتی نہ انت بلکہ امریکہ ۽ نیمگ ۽ چہ دانگیں جنگی طیارہ انت ۽ امریکہ کجام هم وهدا ایشاں پچ گیت کنت یا پاکستان ۽ چہ ایشانی استعمال ۽ داشت کنت کہ آئی مسترین مثال 2019 ۽ پاکستان ۽ انڈا ۽ جنگ ۽ وهدا انڈیا ۽ الزام ۽ امریکہ ۽ را مجبور کت کہ آ پاکستان ۽ چہ ایشانی استعمال ۽ جواز ۽ جست بکنت بزائکہ پاکستان امریکہ ۽ اجازت ۽ بگیر اے اسلاح ۽ ماسوائے جہادی تنظیم چشکہ ٹی ٹی پی، خراسان ۽ ایندگہ تنظیمانی هلاپ ۽ استعمال کت کنت بلے ایندگہ ملکانی هلاپ ۽ امریکہ ۽ اجازت ۽ بگیر پاکستان ایشاں استعمال

کت نہ کنت انت۔ امریکہ ۽ پاکستان ۽ تعلقاتانی نارملائزیشن ۽ سبب ۽ مروجی پاکستان عالمی سطح ۽ isolation ۽ شکار بوان انت چشکہ زی امریکہ عالمی سطح ۽ چشکہ دگنیا ۽ انیگیں گلوبل آرڈر ۽ توک ۽ یونیولر ورلڈ آرڈر ۽ مسٹر انت آئی پاکستان ۽ گوم ۽ تعلقاتانی نارملائشیں یا کم بووگ پاکستان ۽ واستہ مزین جنجالانی سبب جوڑ بوان انت۔ بلاول بھٹو زرداری ۽ ایندگہ پرو امریکین سیاست دانانی موجود بووگ ۽ باوجود امریکہ پاکستان ۽ انیگیں پوزیشن ۽ آ رنگ ۽ وش نہ انت ۽ دومی نیمگ ۽ افغان وار ۽ هلاس کنگ ۽ پد امریکہ ۽ واستہ پاکستان اینکس ۽ مزین پلئر ۽ ہم نہ انت ۽ افغانستان زی کہ چش دگنیا ۽ واستہ خطرناک بوٹگ طالبان ۽ انیگیں آیک ۽ گوم گواستگین اپروچ ۽ جنزگ ۽ نہ انت بلے دگنیا ۽ گوم ۽ انگیجمنٹ ۽ گوم وت ۽ مہکم دارگ لوٹ انت پمیشکہ امریکین لیڈر شپ پاکستان ۽ توک ۽ انیس زوت ۽ مزین دلچسپی ۽ زورگ ۽ نہ انت ۽ دومی نیمگ ۽ انڈیا ۽ گوم ۽ وتی تعلقات ۽ شر کنگ لوٹگ ۽ انت کہ انڈیا ریجن ۽ توک ۽ ۽ هاس کر چین ۽ دارگ ۽ واستہ امریکہ ۽ هاترا گیشتر ۽ شرتریں اتحادی ۽۔

پاکستان ۽ چین ۽ تعلقات:

پاکستان ۽ چین ۽ تعلقات چشکہ میڈیا ۽ توک ۽ پیش دارگ یا لس مہلوک ۽ را باور کنائنگ بنت گراؤنڈ راستی ۽ چمشانکے دایگ بہ بیت گڑا زانگ بیت کہ چین ۽ پاکستان ۽ میان ۽ انگت ۽ چشیں مزین تعلقات جوڑ نہ انت چشکہ چین ۽ گوم ایندگہ ملک ۽ اتحادی ۽ است انت۔ چین ۽ گوم پاکستان ۽ چشیں مزین ٹریڈ ۽ نیست، ہمینکس ۽ ٹریڈ ۽ کہ چین ۽ گوم انڈیا ۽ گوم ۽ است انت ہم ۽ وڑ چین

چشکہ انڈیا کہ سر ظاہر ۽ آئی دژمن ۽ زانگ یا بچارگ بیت انت آئی
 گوم ۽ بریکس وژیں مزین اتحادے ۽ توک ۽ انت بلے انگت تک چین
 پاکستان ۽ را گوبل اسپیس ۽ توک ۽ جاہ دایگ ۽ ہاترا مزین کساسے ۽
 گامگیچ زورگ ۽ نہ انت چشکہ یک مہکمیں اتحادی یکے دومی ۽ واستہ
 زوریت انت۔ چین ۽ نیمگ ۽ چہ پاکستان ۽ واستہ ہج رنگیں کمک ۽
 مدت ۽ مفت ۽ نثیت انت، سی پیک ۽ چہ الگ چارگ بہ بیت گڑا چین
 ۽ پاکستان ۽ درمیان ۽ کلچرل، اسپورٹس، معیشت، سیاست ۽ بگر داں
 دگہ ہج رنگیں تعلقات مزین کساسے ۽ گندگ ۽ نیا انت۔ چین
 پاکستان ۽ را یک نیمگے 'وام' دایگ ۽ کمک کنگ ۽ انت کہ آئی ہم
 بنیادی مقصد پاکستان ۽ را گیش ۽ گیش چین ۽ سرا ڈیفنڈ کنگی انت
 کہ ہرچ مزین طاقت کنت تاکہ ضرورت ۽ سرا اے ملک وتی مکسدانی
 ہاترا دباؤ دایگ بہ بنت انت۔ چینی ۽ پاکستان ۽ پئوج ۽ توک ۽ ہم
 چشین مزین کاپریشن ۽ گندگ ۽ نثیت انت چشکہ امریکہ ۽ برطانیہ ۽
 گوم ۽ پاکستانی پئوج ۽ گندگ ۽ کثیت انت ادا چہ زانگ بیت کہ چین
 ۽ پاکستان ۽ دوستی دو طرفہ غیر فطری مفادات ۽ گون بندوک انت ۽
 اے مفاد کجام ہم وهدا ہلاس بوت کن انت۔ چین ۽ واستہ پاکستان
 نا بلکہ بلوچستان گیش ۽ چہ گیش اہم انت آئی سبب بلوچستان ۽
 Arabian sea ۽ گون مزین کساسے ۽ کنکتوٹی انت چشکہ بلوچستان
 گون بحریہ عرب ۽ بندوک انت ۽ گوادر ۽ اورماڑہ Arabian sea ۽
 Indian Ocean ۽ وتی کنٹرول ۽ توک ۽ آئیڈل جاگہ انت گڑا چین
 پاکستان ۽ گوم ۽ نہ وشی ۽ باوجود تعلقات ۽ شر کنگ لوٹگ ۽ انت ۽
 گیش ۽ گیش کوشست کنگ ۽ انت کہ پاکستان ۽ وتی سرا ڈیفنڈنڈ
 بکنت دانکہ آؤکیں وهدا پاکستان ۽ چہ پئوجی ۽ ایندگہ اڈہ گپت
 بکنت ۽ پاکستان چین ۽ را فوجی اڈہ دایگ ۽ مجبور بہ بیت انت
 پمشیکہ چین پاکستان ۽ را وام ۽ پشت ۽ وام دایگ ۽ انت ۽ اے وام
 روچ بہ روچ گیش بووگ ۽ انت بلکیں یک انچیں وهدے کیت کہ

پاکستان وڑیں کنگال ۽ ملک ۽ واستہ ممکن مہ بیت کہ آچین ۽ را اے وام ۽ واتر کت بکنت گڑا اے صورت ۽ چین وامانی بدل ۽ گوادر یا ایندگہ علاقہ ۽ فوجی اڈہ یا انجیں لوٹ کت کنت انت کہ آ اے ریجن ۽ ہاس کر زر ۽ وتی کنٹرول ۽ بکنت انت۔ چین ۽ اے گپ ۽ باز رندا اظہار کتگ کہ پاکستان منی شہری ۽ ملک ۽ توک ۽ حفاظت دات کنگ ۽ نہ انت، ہمے وڑ چینی ہرجینکس کہ پروجیکٹ پاکستان ۽ ہاس کر کہ بلوچستان ۽ توک ۽ جنرگ ۽ انت ہودا اے پروجیکٹ سرجم ۽ سست روئی ۽ شکار انت ۽ جوانیں رنگ ۽ فکشنل کنگ ۽ نہ انت آئی سبب بلوچستان ۽ تھا برجمیں جنگ انت ۽ اے ردا چین چہ پاکستان ۽ وش نہ انت ۽ گیش ۽ گیش دباؤ دایگا انت ۽ کہ پاکستان چین ۽ سیکورٹی کمپنی ۽ نام ۽ پئوجی مردماں بلوچستان ۽ آپریٹ کنگ ۽ یل بکنت بلئے انگت تک پاکستان اے شرط ۽ منگ ۽ واستہ تیار نہ انت بلئے آؤکیں وهدا کہ وام گیش بنت ۽ انجیں جاہ ۽ سر بنت کہ پاکستان ایشاں واپس کت مکنت گڑا الم ۽ پاکستان مجبور بیت کہ چین ۽ را بلوچستان ۽ توک ۽ سیکورٹی کمپنی یا ایندگہ انجیں جاہ بدنت انت۔ آئی مستریں مثال ادا زانگ بیت کہ ہماسگ ۽ بووگ ۽ باوجود پاکستان ۽ توک ۽ چینی آنی کل تعداد پنج ہزار ۽ گیش نہ بیت ۽ بلوچستان کہ چینی اکنامک پروجیکٹ آنی حب زانگ بیت انت ہودا کل 900 چینی موجود انت۔ اگاں average دادر کنگ بہ بیت گڑا زانگ بیت کہ پاکستان ۽ دراہیں ہماساھگانی توک ۽ درستان چہ کمتریں تعداد ۽ چینی اے وهداں پاکستان ۽ توک ۽ موجود انت۔ پاکستان چینی ۽ سیکورٹی دایگ ۽ سرجم ۽ ناکام بوتگ ۽ اے وهداں چندے مخصوص ۽ پروجیکٹ ۽ مخصوص ۽ چینی ۽ ابید لس مہلوک ۽ توک ۽ ہج رنگ ۽ چینی گندگ ۽ نیا انت ۽ چینی پاکستان ۽ توک ۽ ہسابی جوڑ بوتگ انت ۽ یک ملکہ ۽ توک ۽ چین وڑیں دگنیا ۽ مستریں آبادی والا ملکہ ۽ شہری آنی اے تعداد موجود بیت گڑا زانگ بہ بیت

کہ اے ملکانی تعلقات روایتی بیانات ء چہ علاقہ ہج نہ آنت۔ چین سی پیک ء توک ء پاکستان ء سویلین مردمانی کرپشن ء چہ ہم وش نہ انت ء ایشی سرا نہ وشی ء اظہار ء کنگ۔ گوکہ اے گپ ء توک ء ہج شک نیست انت کہ پاکستان ء چین ء یکے دومی ء گوم ء مزین کسایہ ء مفادات ء بندوک آنت ء ہاس کر سی پیک چین ء واستہ سک ء اہم انت ء آئی گوبل سپریمیسی ء روڈمیپ ء مستریں ء اہم ترین راہ انت گڑا Realism ء چم ء چارگ بہ بیت گڑا ہمے گشگ بیت کہ دوئیں ملک گیش ء چہ گیش جہد کناں کہ یکے دومی ء گوم ء تعلق ء شر بکن آنت بلئے لہرزم ء آئیڈیا ء تصور ء بنیاد ء چارگ بہ بیت گڑا زانگ بیت کہ دوئیں ملک دیر ء تک یکے دومی ء گوم ء کاپریٹ کت نہ کن آنت کہ پاکستان ء چین کلچرل، سوشل، آئیڈیالوجیکل ہوالہ ء یکے دومی ء گوم ء چشین مزین نزدیکی ء توک ء گندگ ء نیا آنت ء دراہیں تعلقاتانی دار ء مدار سی پیک ء گون بندوک انت ء سی پیک ء ناکامی ء صورت ء چین ء پاکستان ء تعلقات ہلاس بوت کن آنت، چشکہ انیں پاکستان ء چین ء تعلقاتانی ہوالہ ء دی ڈیپلومیٹ ء ہم انچیں نبشتانک ء شنگ بوتگ کہ چین ء پاکستان ء گوم ء وتی سک ء نزدیکیں تعلقات نارمل اسٹیج ء اورنگ آنت ء دومی نیمگ ء چین پاکستان ء توک ء سیاسی اسٹیبلٹی ء سیکورٹی ء ہوالہ ء وش نہ انت۔

پاکستان ء سعودی ء ایران ء تعلق

سعودی عرب:

پاکستان وتی مکسچر آئیڈیالوجی، خارجہ پالیسی ء پولیٹکل ائیپرز آنی ہوالہ ء دگنیا ء زانگ بیت ہمے رنگیں تعلقات ایران ء

سعودی عرب ۽ گوم ۽ ہم پاکستان ۽ بندوک آنت۔ سعودی عرب تاریخی بنیاد ۽ پاکستان ۽ بلائیں مدت ۽ کمک ۽ بوتگ آئی سبب سعودی ۽ ملٹری مفادات بوتگ آنت کہ اے ریجن ۽ توک ۽ پاکستان یک پراکسی ریاست ۽ حیثیت ۽ ایشاں جوانیں رنگے ۽ پورا کت کنت انت کہ آئی مستریں مثال ایران ۽ ہلاپ ۽ جندہ اللہ وڑیں جہادی تنظیمان ۽ بلوچستان ۽ سرحد ۽ توک ۽ مسلح کنگ ۽ سعودی فنڈ ۽ چہ ایشاں ایران ۽ ہلاپ ۽ ایکٹیو کنگ انت نا بلکہ ایوک ۽ سعودی عرب ۽ واستہ جند اللہ وڑیں جہادی تنظیمانی کمک ۽ مدت کنگ بلکہیں سعودی ۽ را کجام ہم وهدا ۽ پئوجی ہوالہ ۽ کمک ۽ ضرورت بوتگ پاکستان ۽ وتی پئوج آئی واستہ حاضر کتگ بزائکہ سیکورٹی بنیاد ۽ پاکستان مدام سعودی ۽ بیک ڈور طاقت ۽ زانگ بوتگ پمشیکہ مدام گندگ بیت کہ سعودی آفیشل ۽ ملک ۽ سویلین لیڈرشپ ۽ گیش آئی ملٹری آفیشل نزدیکی ۽ گیش سیاسی ۽ سفارتی تعلقات ۽ ڈیل کن آنت ۽ ہرچ فوجی سریراہ ۽ کہ پاکستان ۽ کئیت سعودی آئی واستہ مکہ ۽ اسپیشل دروازگ ۽ پچ کنت ۽ آہاں اسٹیٹ آفیشل ۽ لیول ۽ پروٹوکول دنت آئی بنیادی سبب سعودی عرب ۽ واستہ پاکستانی فوج ۽ سیکورٹی سنس ۽ استعمال ۽ کارمرز کنگ انت۔ پاکستان سیاسی ۽ معاشی ہوالہ ۽ سعودی عرب ۽ واستہ کدی ہم جوانیں پارٹنر ۽ ثابت نہ بوتگ ۽ سعودی عرب ۽ پاکستان ۽ توک ۽ مزنیں معاشی مفادات ہم گندگ ۽ نئیتگ آنت۔ پاکستان ۽ مدام جہد بوتگ کہ سعودی ۽ پاکستان ۽ ہاس کر بلوچستان ۽ توک ۽ سرمایہ کاری بکنت بلے انگت تک مزنیں کسامیے ۽ چشیں سرمایہ کاری گندگ ۽ نئیت انت بلکہ سعودی عرب ۽ پاکستان ۽ گیش انڈیا ۽ گوم ۽ تعلقات شرتر آنت ۽ سرمایہ کاری ۽ ریشو ہودا گیش گندگ ۽ کئیت انت۔ پاکستان ۽ کشمیر ۽ ایندگہ پالیسی ۽ سعودی ۽ پاکستان ۽ را عالمی سطح ۽ کدی ہم سپورٹ نہ کتگ البتہ وتی سیکورٹی ۽ سبب ۽

پاکستان ۽ را مدام مالی سپورٹ کتگ ۽ انگت پاکستان ۽ یک مزنی مالی سپورٹر ۽ چہ یک سعودی عرب انت بلئے انی زوت ۽ سعودی ہم چہ پاکستان ۽ بیزار گندگ اتگگ ۽ انی زوت ۽ سعودی ۽ پاکستان ۽ را مالی مدت کنگ ۽ واستہ شرط ۽ شرائط ایر کنگ ۽ فیصلہ کتگ چشکہ پیسرا اے مدت ہج رنگی شرائط آنی بنیاد ۽ دایگ بوتگ بلئے ایران ۽ گوم ۽ تعلقاتی بہتری ۽ گوم ۽ سعودی ۽ واستہ پاکستان ۽ اہمیت روچ پہ روچ کم بوان انت۔ آورال ہم گندگ بیت کہ سعودی ایران ۽ گوم ۽ تعلقاتی شری ۽ پد پاکستان ۽ را سیکورٹی سنس ہم بلکیں مزنیں نزیکیں بلیرے مہ لیک ایت ۽ آؤکیں وهدا ریاست ۽ اہمیت گیش کم بہ بیت۔ سعودی اے ریجن ۽ توك ۽ پاکستان ۽ واستہ اہمیں اتحادی ۽ آئی کرا پاکستان ۽ اہمیت ۽ کم بووگ یا تعلقاتی نارملائز بووگ آؤکیں وهدا پاکستان ۽ واستہ مزنیں set back بوت کنت انت۔

ایران:

دومی نیمگ ۽ اگاں ما ایران ۽ گوم ۽ ریاست ۽ تلعقات ۽ بچاریں گڑا آ ہم سک باز ہوالہ ۽ مارا پیچدہ گندگ ۽ کاینت کہ آئی مستریں مثال انی زوت ۽ گندگ بوت کہ ایران ۽ نیمگ ۽ چہ پاکستان ۽ بارڈر ۽ سرا بلوچستان ۽ توك ۽ ارش کنگ بوت ۽ آئی جواب ۽ پاکستان ۽ نام نہادیں گولڈ سمتھ لائن ۽ آدیم بلوچانی سرا ہملہ کت ۽ اے گپ ۽ پرواہ نہ کت کہ ایران ۽ پاکستان ۽ تلعقات اشی ۽ چہ چینکس متاثر بوت کن انت۔ ہم وهدا پاکستان ۽ زینبن برگید کہ ایران ۽ پراکسی برگید ۽ زانگ بیت کہ پاکستان ۽ سینٹرل ایشیا ۽ توك ۽ ایکٹیو انت ۽ ایران ۽ گشگ ۽ سرا اے دگہ ملکان ایران ۽ واستہ کار

کنگ ۽ آنت پاکستان ۽ ایش کالعدم کنگ بزائکہ ایش برگیڈ ۽ سرا ban جتگ ۽ ادا چہ دوئیں ملکانی یکہ دوئی ۽ سرا بھروسہ ۽ اعتماد زانگ بیت۔ انیں زوت ۽ ابراہیم رییسی ۽ پاکستان ۽ دورہ کنگ یکہ دوئی ۽ ہاترا save facing بوت کنت بل۽ پاکستان ۽ نیمگ ۽ چہ جنداللہ ۽ جیش العدل ورئیں تنظیمان ۽ فنڈ کنگ ۽ ایشان ۽ ایران ۽ ہلاپ ۽ مہکم کنگ ۽ دوئی نیمگ ۽ ایران ۽ پاکستان ۽ توک ۽ کارروائی ۽ کار اے گپ ۽ شایدی ۽ دیانت کہ دگنیا ۽ دیم ۽ یکہ دوئی ۽ برادر ملک ۽ گشگ ۽ ابید دوئیں ملک یکہ دوئی ۽ سرا بھروسہ نہ کن آنت ۽ یکہ دوئی ۽ وتی دباؤ ۽ توک ۽ آرگ ۽ جہد کنگ ۽ آنت۔ معیشت ۽ ہال ایش انت کہ ایران بارڈر ۽ دوئیں نیمگ ۽ بلوچ آبادی نشتگ ۽ کدی پاکستان ۽ کدی ایران وتی وتی نیمگ ۽ تیل ۽ کاروبار ۽ بند کن آنت ۽ دوئی نیمگ ۽ چہ انٹرنیشنل پابندی آنی سبب ۽ پاکستان گون ایران ۽ کاروبار کنگ ۽ ہم ترس ۽ شکار انت۔ ایران ۽ گوم ۽ انڈیا، روس، چین ۽ وار دگنیا ۽ مزن مزین مارکیٹ کاروبار کنگ ۽ آنت ۽ ایشی ۽ چہ پانڈگ چست کنگ ۽ آنت بل۽ امریکہ ۽ منع کنگ ۽ سبب ۽ پاکستان گون ایران ۽ کاروبار کنگ ۽ تیار نہ انت بلکین پاکستان ۽ جنیدے ملٹری براس (فوجی اسٹیبلشمنٹ) ایران ۽ گوم ۽ نزدیکی ۽ چہ وش نہ انت کہ ایران دگنیا ۽ توک ۽ وتی شعیہ آئیڈیالوجی ۽ دراہیں جاہاں پھیلائنگ ۽ کامیاب بوتگ ۽ بازیں ملک چہ ایران ۽ شعیہ آئیڈیالوجی ۽ سبب ۽ تباہ بوتگ آنت، ہاس کر مڈل ایسٹ آئی مسترین مثال انت پمشیکہ پاکستان ایران ۽ چہ اے ہوالہ ۽ سک خوفزدہ انت کہ ایران پاکستان ۽ توک ۽ استیں شعیہ آبادی ۽ استعمال مکنٹ ۽ پاکستان ۽ توک ۽ مذہبی خانہ جنگی ۽ چست مکنٹ انت پمیشکہ پاکستان ایران ۽ گوم ۽ ہم نارمل تعلق دارگ ۽ کوشست کنت۔ پاکستان ایران ۽ گوم ۽ تعلقاتانی ہوالہ ۽ انچو کنفیوژ گندگ بیت کہ یک نیمگ برادر ملک ۽ پرچار ۽ کنت بل۽ راستی آئی سرجم ۽ جتا انت۔ آئی مسترین مثال پاکستان ۽ ایران ۽

درمیان ۽ گیس پائپ لائن معاہدہ آت کہ ایران ۽ پاکستان ۽ نیمگ ۽ چہ گواستگین 18 سال پیش اے معاہد بوتگ آت بلے ایران ۽ نیمگ ۽ چہ وقی نیمگ ۽ پائپ لائن ۽ سرجم کنگ ۽ باوجود پاکستان ۽ ایشی سرا کار بندات تک نہ کتگ۔ انیں زوتاں ایران ۽ پاکستان ۽ را وارن کتگ کہ اگان آئی پیپ لائن جوڑ نہ کت گڑا 18 بلین ڈالر ۽ ایران ۽ نقصان ۽ ری ۽ بکن، اے ہمینکس ۽ مزنیں رقمے کہ پاکستان ۽ دراہیں زر مبادلہ ہم اینکس نہ بنت ۽ انت ۽ پاکستان ادا ہودا چہ اے معاہدہ ۽ دش کش بوگ ۽ گنجائش پٹگ ۽ چارگ ۽ انت۔

افغانستان ۽ انڈیا ۽ گوم ۽ پاکستان ۽ تعلقات

افغانستان:

افغانستان ۽ گوم ۽ پاکستان ۽ تعلقات درست ۽ چہ گیش مانگیشیتگین تعلقات آت کہ کدی آئی تہا دژمنی ۽ کدی آئی تہا نزدیکی ۽ دوستی ۽ کدی آہانی میاں ۽ جنگ ۽ سلسلہ مدام برجم است ۽ انت۔ پاکستان ۽ افغانستان ۽ ہوالہ ۽ زورنگین پیسلہ مدام ناکامی ۽ گون دوچار کپتگ آت ۽ پاکستان ۽ جنڈے گٹ ۽ لوپ جوڑ بوتگ آت کہ آئی مستریں مثال ۽ چہ یکہ طالبان آت کہ ایشانی پیداور تاریخی طور پر پاکستان ۽ جند ۽ انت بلے مروچی ہمے طالبان سیکورٹی ہوالہ ۽ پاکستان ۽ مستریں دژمن جوڑ بوتگ انت۔ پاکستان ۽ نیمگ ۽ چہ افغانستان ۽ ہوالہ ۽ strategic depth پالیسی مدام ناکامی ۽ دوچار بوتگ، پاکستان strategic depth policy ۽ ردا افغانستان ۽ نوک ۽ پاکستان ۽ کٹھ پتلی حکومت ۽ ٹہینگ لوٹیتگ تاکہ افغانستان ۽ ذریعہ پاکستان دراہیں ریجن ۽ ہاس کر سینٹرل ایشیا ۽ مڈل ایسٹ ۽ معاملاتانی توک ۽ پاکستان ۽ اثر و رسوخ ۽ گیش بہ کنت بلے اے

پالیسی پاکستان ۽ واسٲہ مدام ناکامی ۽ سبب جوڑ بوٲگ کہ افغان ۽ پاکستان مدام یک دژمنے ۽ حساب ۽ چاریٲگ ۽ افغانستان ۽ لس مہلوک پاکستان ۽ وقی دژمن ملے لیک ایت اٲٲ۔ ہمے وڑ ڈیونڈ لائن ۽ جیڑہ اٲٲ کہ افغانستان ۽ ہج حکومت ۽ ہج وھدا اے لائن ۽ را قبول نہ کٲگ بزائکہ برطانیہ ۽ گیٲشینٲگیں لائن کہ انیگیں پاکستان ۽ افغانستان ۽ بارڈر جوڑ بوٲگ ۽ پاکستان ۽ بازیں پٲشتون علاقہ کہ ہودا پٲشتون آباد اٲٲ ۽ تاریخی طور پر اے علاقہ افغانستان ۽ بہر بوٲگ اٲٲ، افغان لیڈر شپ ایش ۽ انگٲ تک وقی بہر ۽ سرید بیت اٲٲ ۽ انجیں موقع ۽ لوٲگ ۽ اٲٲ کہ آ اے علاقہ ۽ وقی کبڑہ ۽ توک ۽ آورت بکنٲ اٲٲ۔ پاکستان ۽ لکھانی حساب ۽ افغان مہاجر بلوچستان ۽ کے پی کے ۽ بازیں جاھاں جاہ داٲگ اٲٲ ۽ گیٲش اے مردم وقی مفاد ۽ ہاترا استعمال کٲگ اٲٲ ۽ انیں طالبان ۽ پریشراٲز کنگ ۽ ہاترا ایشانی بے عزٲیں رنگے ۽ چہ پاکستان ۽ در کٲگ اٲٲ کہ اے پاکستان ۽ غیر طریقہ تعلقاٲ ۽ ثابت کنٲ کہ افغانستان ۽ اے مردم پہ انسانی بنیاد ۽ نا بلکہ مفاد ۽ بنیاد ۽ جاہ داٲگ اٲٲ ۽ بلوچستان ۽ سطح ۽ کہ پاکستان ۽ را قومی آجوٲی ۽ جنگ ۽ دیمپان اٲٲ ہودا پاکستان ۽ اے مردم بلوچ مہلوک ۽ آبادی ۽ را اقلیت ۽ توک ۽ مٲ کنگ ۽ واسٲہ جاہ داٲگ اٲٲ ۽ افغان مہاجرین ایوک ۽ پنجاب، سندھ ۽ اسلام ۽ خیبر پختوانخوا ۽ بازیں علاقہ ۽ چہ در کٲگ اٲٲ بلٲے بلوچستان ۽ انگٲ اے مہاجر نٲشٲگ اٲٲ بلکہ ایشانی آبادی گیٲش بوٲگ۔ افغانستان ۽ ہوالہ ۽ مسلسل ناکامیں پالیسی ۽ چہ افغان ۽ پاکستان ۽ تعلقاٲ مدام ہراب بوٲگ اٲٲ ۽ طالبان حکومت ۽ آییگ ۽ رند اے تعلقاٲ گیٲش ہراب بوٲگ اٲٲ۔ پاکستان ۽ امید ہمے بوٲگ کہ طالبان کہ وھدے افغانستان ۽ توک ۽ حکومت ۽ کاینٲ گڑا کابل ۽ توک ۽ پاکستان ۽ اثر و رسوخ گیٲش بنت، تحریک طالبان پاکستان، بلوچ مہاجرین ۽ ایندگہ پاکستان ۽ ہلاپ ۽ مہلوک ۽ سرا پاکستانی ایجنسیز

کریک ڈاؤن کن آنت ۽ دو می نیمگ ۽ پاکستان افغانستان ۽ سینٹرل ایشیا ۽ ریجن ۽ توک ۽ وتی اثر و رسوخ ۽ گیش کنگ ۽ ہاترا استعمال کت کنت انت بلے افغان طالبان آنی حکومت ۽ ایگ ۽ گوں پاکستان ۽ تعلقات گیش ہراب بوتگ آنت ۽ افغان طالبان ۽ بازیں جاہاں پاکستانی پئوج ۽ سرا ارش کنگ ۽ ٹی ٹی پی ۽ ایندگہ معاملات ۽ پاکستان ۽ گپانی بنیاد ۽ ایکشن نہ زورنگ ۽ ہرچ آزاد ۽ ریاست انچوش کنت انت۔ پاکستان ۽ افغانستان ۽ ہوالہ ۽ تصور جندے فارن پالیسی ۽ ہساب ۽ بوتگ کہ مروچی چین ۽ امریکہ ۽ دست ۽ کمپرومائز انت بلے آزاد ۽ خودمختیاریں ریاستانی فارن پالیسی آزاد ۽ وتی جندے ملک ۽ مفادانی ہاترا بیت انت۔

پاکستان ۽ خلیجی ملک:

پاکستان ۽ ڈنی پارٹنرانی توک ۽ یک مستربں پارٹنر ۽ چہ یک خلیجی ریاست آنت کہ آہانی تہا متحدہ عرب امارت ۽ اومان وڈیں ریاست سرفہرست آنت۔ پاکستان ۽ گوم اے ملک ۽ تعلق ۽ بنیادی مقصد زر ۽ مال انت ۽ خلیجی ملکانی واستہ پاکستان ۽ آبادی ۽ ایندگہ بازیں سیکٹر پائڈگ مند آنت چشکہ یو اے ای، بحرین، اومان ۽ سیکورٹی ہوالہ ۽ کدی کدی پاکستان ۽ ضرورت کپیت چشکہ یورپین ملکانی ۽ ہاس امریکہ ۽ سرا اے ملک سرجم ۽ بھروسہ کت نہ کن آنت، ایران ۽ گوم ۽ گیشیں ملکانی تعلق ہراب آنت، سعودی پئوجی ہوالہ ۽ چشیں طاقت ورین ریاست ۽ نہ انت ۽ اسلامی ۽ کلچرل بنیاد ۽ اے ملکانی واستہ پاکستان گیشتر شرتربں سیکورٹی آپشن ۽ کہ پاکستان یکے نزدیکیں ملے ۽ دو می پئوجی ہوالہ ۽ باز جاہاں ایشانی ضرورت ۽ ہم پورا کت کنت چشکہ خلیجی ریاست وت پئوج ۽ پئوجی

قوت جوڑ کنگ ۽ گیش ناکام بوتگ آنت ۽ علاقائی سیکورٹی ۽ ہاترا
 دو می ملکائی پئوجانی سرا relayکن آنت، آئی مثال مارا انیں زوت ۽
 قطر ۽ توک ۽ فیفا ورلڈ کپ ۽ ایونٹ ۽ گندگ ۽ کئیت کہ قطر ایونٹ ۽
 سیکورٹی ۽ ہاترا پاکستانی پئوج ۽ کمک ۽ مدت ۽ زوریت ۽ اے ردا
 پاکستان ۽ را مزین زر ۽ مالے دنت آنت دو می نیمگ ۽ یو اے ای وڑیں
 ریاست ریجن ۽ کسان مزین معاملات آئی توک ۽ سیاسی ہوالہ ۽ ہم
 دور کن آنت گڑا ایشانی واستہ گیش المی آنت کہ آ پاکستان وڑیں
 ریاست ۽ گوم ۽ نزدیکی بدار آنت کہ نظریاتی بنیاد ۽ دوئیں سنی اسلام ۽
 پالورز آنت ۽ دو می نیمگ ۽ پاکستان ۽ گوں اے ملک ۽ اکنامک ۽ اے
 ملکائی گوں پاکستان ۽ سیکورٹی ۽ بنیاد ۽ ریلیسٹ گراؤنڈ ۽ بازین تعلق
 ۽ گنجائش آست آنت۔ ایشی دو می سبب اے دمگان مزین کسایے ۽
 پاکستانی مائیگریشن ۽ ڈائسپورہ آنت کہ توپیں رنگ ۽ اے ملکائی توک
 ۽ شتگ، ہاس کر 1970ء پد مزین کسایے ۽ مزدور چہ پاکستان ۽
 خلیجی ملک ۽ روزگار ۽ شوٹگ آنت ۽ ایشانی ہاندان پاکستان ۽ آنت
 ایشی ۽ چہ دوئیں نیمگ ۽ مردمانی یکے دو می ۽ گوم ۽ اکنامک تعلق
 جوڑ بوتگ آنت ۽ اے دوئیں نیمگ ۽ پائڈگ ۽ سبب جوڑ بووگ ۽
 آنت۔ پاکستانی اکنامی ۽ دارگ ۽ توک ۽ ایش ملکائی تھا آبادین مردمانی
 مزین کردارے، چشکہ اے مردم پاکستان ۽ remittances
 دینت کہ ایش پاکستانی foreign exchange ۽ واستہ مہکمیں
 وسیلہ ۽ جوڑ آنت۔ اگاں چارگ بہ بنت کہ سیاسی بنیاد ۽ چشیں
 مزین یکے دو می ۽ واستہ کمک ۽ مدت نیست آنت بلئے اکنامک ۽
 سیکورٹی بنیاد ۽ دوئیں ملک یکے دو می ۽ کارا پیداگ آنت پمیشکہ
 پاکستان ۽ مدام جہد است آنت کہ اے ملکائی گوم ۽ وتی تعلق ۽ گیش
 ۽ چہ گیش مضبوط بکنان چشکہ پاکستان مزین کسایے ۽ گیس ۽
 تیل ۽ واستہ ہمے ملکائی سرا defended آنت ۽ دو می نیمگ ۽ اے
 ملکائی واستہ پاکستان ۽ پئوج باز اہمیت داریت کہ ضرورت ۽ بنیاد ۽

ایشانی واستہ کار کنت، باز خلیجی ریاست ء توک ء پاکستانی پئوج ء را advisory رول است انت۔ اگان ریلیسٹ گراؤنڈ ء چمشانکے دایگ بہ بیت گڑا الم ء اے زانگ بیت کہ اے دوئیں ملکانی واستہ یکے دومی ء تعلق باز اہم انت ء تنا وھدیے کہ مزنیں کسایے ء ریجن ء توک ء یا اے ملکانی توک ء بدلی ء مئیت انت اے تعلق ھے وڑ برجم بنت بلے انیگیں پاکستان ء سیاسی حالات اے ملکانی توک ء اے سوچ ء پیدا کنگ ء انت کہ پاکستان ء بدل ء انڈیا ء گوم ء ایشانی تعلق ایشانی واستہ گیشر اہم انت ء comparatively چارگ بہ بیت گڑا زانگ بیت کہ انڈیا ء اکنامک تعلق گوں اے ملک ء پاکستان ء نذبت ء سک باز انت بزائکہ اے ملک معاشی بنیاد ء انڈیا ء ایندگہ ملک چشکہ ویسٹرین ملک ء چین ء گوم ء مسترین تعلق دار انت، پاکستان اے ملکانی ہاترا بس سیکورٹی ء ہاترا اہم انت ء پاکستانی پئوج ء کمزوری ء صورت ء اے تعلق زوت زیرو ء سراشت کن انت۔

پاکستان ء فارن پالیسی ء ناکامی:

اگان دگنیا ء ھاس کر اے ریجن ء توک ء چارگ بہ بیت گڑا پاکستان ء فارن پالیسی دراھیں ملکانی توک ء چہ تباہ ترین فارن پالیسی زانگ بیت انت، چین، انڈیا، ایران، سعودی، حتی کہ افغانستان ء ایندگہ دراھیں ملک وتی وتی ریجن ء توک ء کسان مزنیں اہمیت ء سیکورٹی ء اکنامک دوئیں ھوالہ ء مہکم گندگ ء کاینٹ بلے وھدیے کہ گپ پاکستان ء بہ بیت گڑا مروچی پاکستان دگنیا ء بل وتی ریجن ء توک ء یک ملکہ ء سراکسانیں ھم اثرورسوخ ء نذارت بلکہ آئی جند یک نیمگے چین، یک نیمگے امریکہ ء باز حد ء تک سعودی ء اثر و رسوخ ء توک ء انت۔ پاکستان ء فارن پالیسی آزاد نہ انت بلے سک باز

جاہ ۽ کمپرومائز انت، ملک ۽ توک ۽ اکنامک ایڈجسٹمنٹ، چیزانی پرائسز ریٹ ۽ اکثر و بیشتر آئی ایم ایف ۽ ایندگہ مزنیں اکنامک چینل پیسلہ کن انت۔ ہے رنگ ۽ اگان سیاسی بنیاد ۽ ہم چارگ بہ بیت پاکستان isolation ۽ شکار انت، کشمیر مسئلہ پاکستان ۽ فارن پالیسی ۽ مستریں جیڑہ بوتگ ۽ وتی دراہیں ریسورسز استعمال کتگ انت کہ کشمیر ۽ تہا انڈیا ۽ زورتگیں پیسلہ ۽ اثر و رسوخ بکنت بلئے مروچی پاکستان ۽ گوم ۽ دگنیا ۽ ہج ملک انڈیا ۽ ہلاپ ۽ پاکستان ۽ کشمیری پالیسی ۽ حمایت ۽ نکنت انت بلئے گیشتر ملک انڈیا ۽ گوم ۽ وتی تعلقات ۽ شرتر ۽ بہتر کنگ ۽ کوشست ۽ جہد کنگ ۽ انت۔ کشمیر جیڑہ ۽ دگنیا ۽ توک ۽ isolation پاکستان ۽ فارن پالیسی ۽ ناکامی ۽ مستریں مثال انت، دومی نیمگ ۽ افغانستان ۽ توک ۽ پاکستان ۽ مدام وتی ناکامی پالیسی کہ آئی توک ۽ یو ایس ایس آر ۽ وهدا یو ایس ۽ سپورٹ ۽ طالبان ۽ جوڑ کنگ ۽ پدا ایشاں حکومت ۽ تہا آئیگ ۽ توک ۽ مدت کنگ، پدا طالبان ۽ ہلاپ ۽ آئی حکومت ۽ دور دایگ ۽ توک ۽ امریکہ ۽ سپورٹ کنگ، پدا طالبان ۽ واپس حکومت ۽ آرگ ۽ توک ۽ طالبان ۽ سپورٹ کنگ ۽ انیگیں ۽ جاور ۽ پدا طالبان ۽ ہلاپ ۽ دگنیا ۽ دارہیں فورم ۽ گپ کنگ ۽ افغانستان ۽ طالبان ۽ را ریجن ۽ توک ۽ دہشتگردی ۽ زمہ دار گشگ دگنیا ۽ دیم ۽ پاکستان ۽ فارن پالیسی ۽ ناکامی ۽ واضح ۽ ثبوت انت۔ پاکستان مروچی دگنیا ۽ ہج فورم ۽ توک ۽ بطور مستر کارا نہ انت بلئے ہج مزنیں اداراہانی توک ۽ آئی نمائندگی نیست انت، بریکس وڑیں ریجنل طاقت ورین الائنس کہ انڈیا ۽ چین وڑیں مزنیں نا دوستیں ملک یکے دومی ۽ گوم ۽ کار کنگ ۽ انت، سعودی، ایران وڑیں ملک آئی بہر جوڑ بوتگ انت بلئے پاکستان ۽ واستہ آئی توک ۽ جاہ نیست انت۔ SAARC وڑیں ساوتہ ایشین الائنس کہ پاکستانی آئی اہم ترین پارٹنر ۽ چہ یکے بلئے سرجم ۽ غیر فعال انت۔ پاکستان مروچی ریجنل، انٹرنیشنل ۽ بارڈرانی تہا سرجم ۽

فیل ۽ ریاست ۽ بوتنگ ۽ روچ پہ روچ گیش ناکام بوان انت۔ مروچی دگنیا ۽ ہج مزنیں طاقت ۽ قوت پاکستان ۽ سرا بھروسہ نہ کنت انت، ہج رنگیں عالمی فورم پاکستان ۽ وتی تھا جاہ دایگ ۽ تیار نہ انت، ریجن ۽ دراہیں ملک حتی کہ افغانستان ۽ تھا طالبان حکومت ہم انڈیا ۽ گوم ۽ وتی تعلقات ۽ چہ پاکستان ۽ گیش اہمیت دنت ۽ افغانستان ۽ توک ۽ داعش ۽ ایندگہ گروپانی ایکٹیو کنگ ۽ زمہ دار پاکستان ۽ سرید بیت انت۔ ایشی ۽ چہ پاکستان ۽ انٹرنیشنل ۽ ریجنل سیاسی اہمیت زانگ ۽ سرید بووگ بیت انت۔

پاکستان ۽ تہی کرائسز

معاشی کرائسز:

پاکستان اے وهدا وتی تاریخ ۽ مستریں معاشی کرائسز ۽ شکار انت۔ ملک ۽ توک ۽ export وتی آخری سطح ۽ اتنگ انت، بزائکہ پاکستان ۽ چہ مروچی دگنیا ۽ ہج جاہ ۽ شریں پروڈکٹ ایکسپورٹ بووگ ۽ نہ انت ۽ import سک زیادہ بوتنگ۔ پاکستان ۽ ایگری کلچرل سیکٹر تباہ بوتنگ، سرمایہ کاری نہ بووگ ۽ برابر انت، چندے ملک کہ سرمایہ کاری کنگ ۽ انت چشکہ چین وڑیں ریاست آ ہم چہ بلوچ سرمچار ۽ ایندگہ مسلح گروپانی حملہ ۽ ارش ۽ وجہ ۽ چہ وتی سرمایہ کاری ۽ گیش کت کنگ ۽ نہ انت ۽ سیکورٹی ۽ بنیاد ۽ پاکستان ۽ روچ پہ روچ سرمایہ کاری ۽ کم کنگ ۽ انت۔ سعودی ۽ اینگہ ملک ہم پاکستان ۽ سرمایہ کاری کنگ ۽ واستہ تیار نہ انت کہ اے ملک ۽ توک ۽ سرمایہ کاری ۽ ہج رنگیں ماحول نیست انت۔ قابض پاکستان کہ دگنیا ۽ توک ۽ وام ۽ فنڈز آنی سرا جنرگ ۽ انت آ ہم

چہ ملک ۽ وس ۽ در ایگ ۽ آنت۔ گواستگین بجٹ کہ سرکار ۽ پیش کتگ آئی توک ۽ 52 فیصد بجٹ ۽ وامانی دایگ ۽ توک ۽ روت بزآنکہ یک ملکہ ۽ چہ وام زورگ ۽ دوئی ملک ۽ را واپس وام دایگ اے رنگ ۽ ملک ۽ وام گیش بوان آنت۔ پاکستان ۽ foreign exchange رت ہمینکس آنت کہ یک ماہ ۽ ملک ۽ را جنزینت کن آنت بزآنکہ 10 بلین ۽ کچ ۽ آنت ۽ اگان آئی ایم ایف وتی یک بیل آوٹ ۽ وهد ۽ سرائیلز مکنٹ ملک ۽ اکنامی دیوالیہ ۽ شکار بیت بزآنکہ مارکیٹ ۽ جند کریش کنت انت۔ پاکستان ۽ معاشی پارٹنر کہ گواستگین مزین وهدے ۽ اے ملک ۽ توک ۽ معاشی شکل ۽ وتی سیاسی مفادات ۽ حاصل کنگ ۽ خواہش داشتگ آنت ہم آہستہ آہستہ اے گپ ۽ احساس ۽ کنگ ۽ آنت کہ اے ملک ۽ توک ۽ یک جیڑھ نہ انت بلئے ریاستی ۽ فوجی کرپشن ہم انچو باز انت کہ چینی آفیشل ۽ آخر میڈیا ۽ توک ۽ بیان دایگ بندات کنگ کہ سی پیک ۽ توک ۽ کرپشن ۽ transparency نیست انت بزآنکہ اے ریاست ۽ توک ۽ سرمایہ کاری ۽ مطلب زر گرگ ۽ ورگ ۽ گیش کرپشن کنگ انت ۽ ہمہ زراں چندے جرنیل ۽ فوجی قیادت ۽ ہاترا استعمال کنگ انت۔ ایوک ۽ ڈنی سرمایہ کاری نا بلکہ تہی سرمایہ کاری ۽ کاروبار ہم انچو زوال ۽ کرپشن ۽ شکار انت کہ آئی مستریں مثال ریاض ملک وڑیں بلڈر آنت کہ قبضہ مافیا ۽ شکل ۽ ملک ۽ توک ۽ زر گرگ ۽ پدا ایشاں ڈن ۽ برگ ۽ آنت۔ ملک ۽ گیشتریں سیاست دان ۽ جرنیل آئی لوگ ۽ جاہ ۽ زر ۽ مال اے وهداں ملک ۽ چہ ڈن ایر آنت ۽ گیش ۽ کاروبار ہم چہ پاکستان ۽ ڈن انت۔ پاکستان انچو مجبور بوتگ کہ نوں وتی دراہیں ریاستی assets آہستہ آہستہ privatization نیمگ ۽ برگ ۽ انت کہ ملک ۽ گوم ۽ اے چلائنت کنگ بووگ ۽ نہ آنت کہ آئی مستریں مثال پی آئی اے انت کہ یکیں سرکاری ایئرلائن بوتگ کہ جنرگ ۽ بوتگ بلئے سرکار نوں ایشی ۽ ہم جنزینت کنگ ۽ لائق نہ انت ۽ ایشی ۽ پرائوٹائز کنگ ۽ انت بزآنکہ

معاشی ہوالہ ء بلکہ ریاست اے وھداں سرظاہر ء دیوالیہ ء شکار نہ
 انت بلے در حقیقت اے وھدا ریاست ء ہال دیوالیہ ء چہ ہم گنتر
 انت کہ آئی مسترین مثال مارا سالانہ لکھانی حساب ء پاکستان ء چہ
 ڈن ء راوگ ء دراہگ ء کوشست ء جہد انت۔ ہمک سال پاکستان ء
 چہ لکھانی حساب ء مردم ڈن ء راونت ء وت ء را سیٹل کن آنت اے
 ملک ء توک ء کس کاروبار ء نندگ ء واستہ تیار نہ انت۔ دگنیا ء اے
 دگہ معاشی ہوالہ ء ملکانی حساب ء اے ریاست ہج رنگ ء کمپیٹ
 کت کنگ ء نہ انت۔ ریاست ء معاشیت ء را تباہ کنگ ء توک ء بلوچ
 جہدکاری سک مزنیں کردارے کہ مروچی آھاں چین وڑیں ء ایندگہ
 مزنیں طاقت بلوچستان ء توک ء۔ سرکاری کاری کنگ ء ہاترا سرجم ء
 یلا نہ کتگ آنت۔ چین سک باز کوشست ء جہد کنگ ء انت کہ
 بلوچستان ء توک ء معاشی سرگرمی ء نام ء وتی اثر ورسوخ ء اے ریجن
 ء توک ء گیش بہ کنت کہ چریشی ء چہ پاکستان ء معاشی جاور ہال
 ہم جوان بوت کن آنت بلے مروچی بلوچ جہدکار کوہ ء پیم ء مک
 بوتگ آنت ء بلوچستان ء توک ء سرکار ء خوابش ء باوجود لوٹ مار آ
 کساس ء بوت کنگ ء نہ انت کہ سرکار لوٹ کنگ ء انت۔ پاکستان
 سیاسی، نظریاتی، علمی، اسلامی، معاشی بلکہ ہرچ ہوالہ ء مروچی
 یک ناکامی ریاست ء صورت ء مئے دیم ء اتنگ ء ہج ملک آئی گوم ء
 تعلق دارگ ء واستہ دلچپسی زورگ ء نہ انت۔ گیشتر ریاست ء
 ہمسائگ ملکانی گوم ء ٹریڈ ء چہ ریاست ء معاشی ہالت شرتر ء
 منظم تر بوت کن آنت بلے اگاں ما پاکستان ء گپ ء بکنیں گڑا پاکستان
 ء گش ء گور ء استیں دراہیں ریاست اے وھدا پاکستان ء گوم ء جنگ
 ء آنت بزائکہ پاکستان ء گوم ء کجا نہ کجا مذہبی انتہا پسندیں
 مردماں ء جاہ دایگ، رودینگ، نان دایگ ء آملکانی توک ء ایکٹیو کنگ
 ء ہوالہ ء اے ملک پاکستان ء گوم ء جنگ آنت۔ ہمے گواستگین دو
 سئے سال ء توک ء افغانستان، ایران ء ہندوستان ء پاکستان ء توک ء

ارش کتنگ کہ آئی ء ایشانی مخالف گروپس جاہ داتگ ء ایشانی ہلاپ ء
جنگ پر ماتگ آنت۔

پاکستان ء توک ء مروچی ہج رنگیں مزین سرمایہ کاری بووگ
ء نہ انت، آئی ناکامی آئی توک ء

1 ایوک ء چین اے وهدا پاکستان ء توک ء سرمایہ کاری کنگ ء
ہاترا کوشست کنگ ء انت آئی ہم تعلق گوں بلوچستان ء
ادا سیاسی ء جغرافیائی مفادات ء گوں بندوک انت ء بلوچ
جہد ء مروچی اے مزین حدے ء تک کاؤنٹر کنگ بلے چین
کوشست کنگ ء انت کہ پاکستان ء بلوچ راجی جنز ء ہلاپ
ء مدت ء کمک بکنت کہ ریاست ء مزین مفادات اے ریجن
ء گوں بندوک آنت۔

2 پاکستان ء توک ء معاشی سرگرمیانی ہوالہ ء ہج رنگیں
transparency نیست انت ء ریاست ء ہوار ریاست ء
دراہیں ادارہ کرپٹ آنت ء کرپشن ء را معاشی سرگرمی سرپد
بنت انت۔

3 پاکستان ء foreign exchange چہ remittances ء
بندوک آنت کہ آپستہ آپستہ کم ہوان آنت ء ڈن ء چہ
مردم پاکستان ء زراہ دایگ ء ہاترا ہج وڑا تیار نہ آنت۔

4 مہنگائی ء سبب ء پاکستان ء توک ء بہا زورگ ء ریٹ سک کم
بوتگ چریشی ء چہ گیشیں کمپنی ٹرپ کنگ ء آنت گڑا
گیشیں کمپنی وتی کاروبار ء پاکستان ء توک ء بند کنگ ء
آنت۔

5 ایگریکلچر پاکستان ء مسترین معاشی سیکٹر انت بلے
ریاست ء ناکامیں پالیسی آئی سبب ء مروچی زوال ء شکار انت
ء روچ پہ روچ زوالتر ہوان انت۔

6) چونیں ہم ریاست ۽ واستہ آئی انڈیسٹریل سیکٹر سک اہم
 انت بلئ مروجی پاکستان ۽ توک ۽ انڈیسٹریل سیکٹر انرجی نہ
 بووگ ۽ وجہ ۽ چہ تباہ انت، بلوچستان ۽ سندھ ۽ چہ گیس
 ۽ بجلی ۽ استعمال ۽ باجود پاکستان ۽ انڈیسٹریل سیکٹر فیل
 بوتگ۔

7) پاکستان ۽ 10foreign reserves بلین ۽ چہ گیش برز نہ
 انت ۽ مدام ہم میانہ انت بزاکہ مدام دیوالیہ ۽ سرا انت کہ
 کس ایشی سبب ۽ ادا نندگ ۽ کاروبار کنگ ۽ وقی واستہ
 محفوظ سرید نہ بیت انت۔

سیاسی عدم استحکام، پی ٹی آئی، پٹوج ۽ پاور ۽ جنگ:

چوناہیگہ پاکستانی پٹوج ۽ سیاسی ۽ غیر سیاسی بازیں پیسلہ
 ۽ مدام پاکستان بندیں اونڈ ۽ توک ۽ برنگ ۽ ہرچ نوکیں رندا نوکیں
 تجربہ ۽ گوں پٹوج ۽ اے رنگیں کار ۽ گوں وقی جند ۽ ریاست دوئیں
 پسارینتگ انت۔ پاکستان تحریک انصاف کہ پی ٹی آئی زانگ بیت کہ
 آئی سربراہ عمران خان انت ۽ اے پارٹی ۽ جند ہم عمران خان
 ٹہینتگ، پاکستان ۽ دومی سیاست دانانی پیم ۽ عمران خان ۽ خاندانی
 سیاسی بیک گراؤنڈ نیست بلکہ زمانگ ۽ کرکٹر ۽ بوتگ کہ 1998 ۽
 وهدا پاکستانی سیاست ۽ توک ۽ دور کنت ۽ پی ٹی آئی ۽ بنیاد ۽ ایر
 کنت۔ چوناہیگہ پاکستان ۽ توک ۽ مین اسٹریم ۽ ہج جماعت چہ
 پٹوج ۽ سپورٹ ۽ کمک ۽ بگیں مین اسٹریم ۽ نہ اتنگ ہم ہال کہ پیسرا
 نواز شریف ۽ پیپلز پارٹی ۽ گوں ۽ بیت کہ آہاں آہانی وهدے پٹوجی
 سربراہ ۽ آئی ایس آئی دیم ۽ کاریت ۽ مین اسٹریم کنت ۽ ہرچ جماعت ۽
 مین اسٹریم کنگ ۽ مکسد دومی جماعت ۽ نزور کنگ ۽ پٹوج ۽ پاور ۽
 توک ۽ طاقت ۽ مضبوط کنگ انت۔ پیپلز پارٹی ۽ عوامی نیشنل لیگ

ء ہلاپ ء جنرل یحی خان دیم ء کاریت ء بنگلادیشن ء پوزیشن ء نزور کنگ لوٹ ایت، ہمے وژ نواز شریگ ء مسلم لیگ ن ء جنرل ضیاء الحق دیم ء کاریت کہ پیپلز پارٹی ء کاؤنٹر بکنت ء آئی پوزیشن ء طاقت ء توک ء مضبوط بکنت، ہمے وژ عمران خان ء پی ٹی آئی ہم جنرل رحیل شریف ء ہاس کر جنرل باجوہ ء وهد ء دیم ء آرگ ء منظم کنگ بنت انت تاکہ نواز شریف ء آصف زرداری گوں آہانی پارٹی مسلم لیگ ن ء پیپلز پارٹی ء ن لیگ نزور کنگ بہ بنت کہ ایشی سبب ء پاکستان ء تہا نوکیں انٹرنل جنگ ء بندات بیت کہ انگت تک چلگ ء انت۔ اے اے وهد ء عمران خان جیل ء انت، چہ دروگیں ء زور کٹارینتگیں ن لیگ اے وهداں فیڈریشن ء حکومت جنزینگ ء انت کہ در حقیقت اے حکومت ء پئوج ء جند جنزینگ ء انت بلئے نام ن لیگ ء پیپلز پارٹی ء اتحاد ء استعمال بوگ ء انت دومی نیمگ ء عمران خان ء ایشی پارٹی ء اے وهداں پاکستانی پئوج، ہاس کر سوشل نیٹ ورکنگ ایپس آئی توک ء ٹیٹ بدنام کنگ ء پاکستان ء توک ء سیاسی **instability** سبب جوڑ بوتگ۔ باقی ء جماعت کہ زی عمران خان ء ہلاپ ء پی ڈی ایم حکومت ء بہر جوڑ بوتگ ات اتاں کہ عمران خان ء حکومت ء دور بدیاں نوں پی ٹی آئی ء گوم ء الائنس ء شتگ انت کہ ن لیگ ء پیپلز پارٹی ء حکومت ء نزور بکن انت کہ ایشانی تہا پشتونخوا میپ، اختر مینگل ء بلوچستان نیشنل پارٹی، مولانا فضل الرحمن ء جمعیت الما اسلام (ف) کہ ایشاں وت ء را وژن ء نظریہ ء نیست انت، کجام وهد ء کہ اے مردم پئوج ء گوم ء ناراض باں گڑا اپوزیشن ء سیاست بندات کن انت، ء بازیں جماعت ء کہ اسٹیبلشمنٹ ء گوں بندوک انت چشکہ بلوچستان عوامی پارٹی، ایم کیو ایم پاکستان، پاکستان استحکام پارٹی ء ایندگہ کہ ایشانی تعلق گوں پئوج ء انت ء کجا کہ پئوج لوٹیت اے ہمودا راونت۔ چوناپیگہ پاکستان ء واستہ سیاسی عدم استحکام نوکیں چیزے نہ انت بلئے کجام نہ کجام وهدا مدام

پاکستان سیاسی بنیاد ۽ عدم استحکام ۽ شکار بوتگ چشکہ ہج حکومت ۽ را پئوج ۽ سرجم ۽ جنزینگ ۽ نیشنگ بلے مدام آئی ہلاب ۽ یک طاقت ۽ قوت ۽ ایکٹیو داشتگ کہ آئی بنیادی مکسد سینٹرل حکومت ۽ را دباؤ دایگ ۽ فارن پالیسی، اکنامی ۽ ایندگہ اہم ترین طاقت ورین پوزیشن ۽ پئوج ۽ کبزہ ۽ مہکم کنگ انت۔ انیگیں سرکس ۽ بندات اے وهداں بیت کہ وهدے 2013 ۽ الیکشن ۽ نواز شریف حکومت ۽ کثیت ۽ راحیل شریف واپس دگہ رندے پئوج ۽ سربراہی ۽ گپ ۽ کنت بلے نواز شریف اے گپ ۽ گوں راضی نہ بیت گڑا جنرل راحیل شریف کہ اے وهداں پاکستانی پئوج ۽ سربراہ بیت، نواز شریف ۽ حکومت ۽ بلیک میل کنگ بندات کنت، عمران خان ۽ طاہر القادری ۽ نواز شریف حکومت ۽ ہلاب ۽ لانچ کنت، اے مارچ ۽ دھرنا ۽ کن آنت ۽ ایشاں پشت ۽ چہ پئوج ۽ نیمگ ۽ سپورٹ کنگ بیت انت ۽ اے حکومت ۽ مزنیں کساسے ۽ دباؤ دایگ ۽ کامیاب بنت ۽ عمران خان پاکستانی سیاست ۽ توک ۽ مین اسٹریم کنگ بیت انت، جنرل باوجوہ ۽ ایگ ۽ رند اے پلان ۽ سرا مہکمیں رنگ ۽ کار بندات بیت کہ دیے حکومت ۽ تک نواز شریف چہ حکومت ۽ کشگ ۽ عمران خان حکومت ۽ آرگی انت۔ الیکشن ۽ چہ سال ۽ پیش بزآنکہ 2017 ۽ ثاقب نثار کہ اے وهدا چیف جسٹس آف پاکستان بیت، پئوج ۽ کشگ ۽ سرا نواز شریف ۽ تاحیات ناہل کنت بزآنکہ آ چہ وزارت اعظم ۽ در کنگ بیت، الیکشن ۽ واستہ ineligible کنگ بیت انت دانکہ آ الیکشن ۽ بہر زورت مکنت ۽ الیکشن ۽ عمران خان کٹارینگ ۽ حکومت دایگ بیت انت، اے وهداں تک پئوج اے گپ ۽ سرا کنونس بیت کہ عمران خان نوں ایشانی دست ۽ کٹھ پتلی ۽ بیت انت ۽ پئوج سرجمیں پاور ۽ انجوائے کنت انت۔ وهدے کہ عمران خان پئوج ۽ نیمگ ۽ چہ حکومت دایگ بیت گڑا نواز شریف ۽ آئی چک جیل کنگ بنت، ہمے وڑ پیپلز پارٹی ہم سائیڈ لائن کنگ بیت، گوکہ پی پی پی ۽ را

سندھ ۽ حد ۽ تک حکومت دایگ بیت انت بلئ مستریں لیول ۽ پیپلز پارٹی ہم سائیڈ لائن کنگ بیت ۽ پنجاب، بلوچستان ۽ خیبرپختونخوا ۽ عمران خان دیم ۽ آرگ بیت انت، چیزے سال تک پئوج ۽ حد تک حالات وش بنت پرچا کہ عمران خان بطور کٹھ پتلی کار کنت، بلئ گورنس ۽ سنس نہ بووگ، پئوج ۽ جندے تھا باجوہ ۽ را واپس پئوجی سریراہ جوڑ کنگ ۽ ہلاپ ۽ سوچ، نواز شریف، فضل الرحمان، پیپلز پارٹی ۽ ایندگہ مین اسٹریم پارٹی آنی ہلاپ ۽ پئوج ۽ ہلاپ ۽ اسٹیڈ زورگ بزآنکہ پئوج ۽ ہلاپ ۽ گپ کنگ، پی ڈی ایم ۽ اتحاد ۽ دیم ۽ آیک کہ پئوج ۽ ہلاپ ۽ 12 ۽ گیش نام نہادیں جماعت یکجا بنت ۽ پئوج ۽ ہلاپ ۽ گپ کنگ بندات کن انت ۽ پئوج ۽ را دباؤ دایگ ۽ جہد کن انت کہ آعمران خان ۽ سپورٹ بند بکن، یک نیمگ پی ڈی ایم پئوج ۽ را دباؤ دایگ ۽ بیت، دومی نیمگ ۽ مزنیں جلوس ۽ احتجاج، سیمی نیمگ ۽ پی ڈی ایم ۽ پئوجی لابی اسٹیبلشمنٹ ۽ جندے توک ۽ ایکٹیو بیت کہ آعمران خان ۽ سپورٹ ۽ یل بکن انت ۽ یک نیمگ اے پارٹی وتی ڈنی سورس ۽ ہم استعمال کن انت ۽ پئوج ۽ را بلیک میل کنگ ۽ کوشست کن انت کہ پئوج عمران خان ۽ سپورٹ ۽ یلا بکنت، اے وهداں تک ریجن، ہاس کر افغانستان ۽ توک ۽ سیکورٹی چیزہ آنی دیم ۽ آیک، طالبان ۽ پاور ۽ آیک ۽ نزدیکی بووگ، بلوچستان ۽ توک ۽ تحریک ۽ نوکیں داب ۽ تیزیں رنگ ۽ چہ پاکستانی پئوج ۽ خوفزدہ بووگ، ۽ دومی نیمگ ۽ پی ٹی آئی ۽ نیمگ ۽ چہ پاکستان ۽ معیشت ۽ تباہ کنگ، بزآنکہ آئی ایم ایف ۽ ڈیل ۽ متاثر کنگ، وامانی کم بووگ، امریکہ ۽ نیمگ ۽ چہ پاکستان ۽ military aid ۽ را بند کنگ ۽ ملک ۽ توک ۽ سیاسی ماحول مختلف ۽ شکل ۽ کثیت ۽ دراہیں زمہ دار پئوج گشگ بووگ ۽ بیت انت۔ پئوج ۽ توک ۽ است ۽ لابی نواز شریف ۽ جیل ۽ در کنگ ۽ پدا پہ اعلاج ۽ ڈن ۽ راوگ ۽ یل دایگ بیت انت، نواز شریف ۽ ڈن ۽ راوگ ۽ گون نواز شریف پئوج ۽

ہلاپ ۽ گیش شرتیریں رنگ ۽ ایکٹیو بیت انت ۽ وتی ڈنی لابینگ ۽ گیش مضبوط کنت انت۔ پاکستان ہمودا چہ یک سیاسی عدم استحکام ۽ نیمگ ۽ روت انت۔ پئوج ۽ کرا آپشن کم بنت کہ آچے بکنت انت گڑا پئوج ۽ توک ۽ اے دگہ لابی کہ آئی تعلق گوں عاصم منیر، جنرل ندیم انجم ۽ ایندگہ جنرل ۽ گوں بیت آ باجوہ ۽ ملٹری براس ۽ اے گپ ۽ سرا کنونس کن انت کہ عمران خان ۽ سپورٹ ۽ گوں پئوج ۽ ایمیز ہراب بوتگ، پاکستان معاشی بنیاد ۽ ترقی کنگ ۽ نہ انت، پاکستان ۽ توک ۽ سیاسی ۽ سیکورٹی دوئیں معاملات ہراب انت گڑا عمران خان ۽ سپورٹ ۽ چہ پئوج در بئیت انت۔ بلے اے پیسلہ ۽ کار یکدم کنگ بنت ۽ 2022 ۽ پئوج چہ کور کمیٹی ۽ پیسلہ ۽ پد سیاسی معاملات ۽ چہ وت ۽ دست بردار کنت، ایندگہ پارٹی لیڈر چشمکہ در ایگ ۽ وهد ۽ گوں شری ۽ سرا سٹیڈ بوتگ انت، عمران خان ایشانی پیم ۽ نکنت ۽ ہج وڑا چہ کرسی ۽ در ایگ ۽ تیار نہ بیت انت، اے درگت ۽ اے مزنیں تیاری ۽ کنت، وتی سوشل میڈیا ٹیم جوڑ کنت، پئوج ۽ ہلاپ ۽ بیانیہ جوڑ کنگ بندات کنت، ۽ پئوج ۽ را بلیک میل کنگ بندات کنت کہ آمی سپورٹ ۽ یلا مکنت، پرچا کہ اے گپ ۽ عمران خان ۽ شری ۽ سما بیت کہ اگان پئوج آئی سپورٹ یلا بکنت گڑا آئی واستہ no confidence motion ۽ را دارگ ممکن نہ بیت ۽ آچہ حکومت ۽ در کنگ بیت گڑا عمران خان پئوج ۽ را بلیک میل کنگ ۽ دراہیں تیاری ۽ وزارت اعظم ۽ دورانیہ ۽ کنت ۽ پئوج ۽ توک ۽ وتی لابی ۽ جوڑ کنگ ۽ کوشست ۽ کنت کہ آ پئوج ۽ دباؤ دات بکن انت۔ چشمکہ ایندگہ پارٹی آئی نسبت ۽ پی ٹی آئی ۽ سوشل میڈیا ٹیم سک مضبوط بیت ۽ ڈن ۽ پاکستان دوئیں جاہ ۽ ایشی منظم ۽ میکنزم ۽ ٹہینگ بیت، سوشل میڈیا ۽۔ سرا رندا ڈسکس کنیں، گڑا عمران خان گوں حکومت ۽ در ایگ ۽ پئوج ۽ ہلاپ ۽ بیانیہ ۽ جوڑ کنگ بندات کنت انت ۽ پئوج ۽ ہلاپ ۽ مختلف ۽ شکل ۽ دیم ۽ کثیت انت۔ ہمدآ چہ پدا پاور گیم

بندات بیت انت، یک نیمگے پیپلز پارٹی، ن لیگ ءِ ایندگہ پارٹی، بلئے اے پارٹیاں یک چیزے ءِ شری ءِ سرا سما بیت کہ اگان عمران خان وزیر اعظم بہ بیت گزآ جنرل فیض کہ عمران خان ءِ نزیکیں مردم ءِ آئی ایس آئی ءِ سربراہ بیت آثرہ آرمی چیف کنت ءِ آرمی چیف کنگ ءِ گوں آدگہ پنج سال ءِ واسطہ عمران خان ءِ حکومت ءِ پئوج ءِ سپورٹ ءِ دنت گزآ عاصم منیر ءِ لابی گیش مضبوط بیت ءِ باجوہ ءِ ایندگہ ملٹری قیادت ءِ راکنونس کنگ بیت کہ آپی ٹی آئی ءِ سپورٹ ءِ چہ بیک بہ بیت ہمدآ چہ پئوج ءِ پی ٹی آئی ءِ اختلاف بندات بنت ءِ پدان لیگ ءِ پیپلز پارٹی ءِ اے دگہ واپس حکومت ءِ آرگ بنت انت۔ ہمدآ چہ یک نوکیں جنگ ءِ بندات بیت انت ءِ آجنگ پئوج ءِ پی ٹی آئی ءِ بیت۔ پئوج ءِ کوشست ہمے بیت کہ آ اے دراہیں سیاسی چست ءِ ہیر ءِ چہ وت ءِ لس مہلوک ءِ دیم ءِ سائیڈ بدار ات ءِ دومی نیمگ ءِ پی ٹی آئی ءِ سپورٹ ءِ ہم بند بکن ءِ یک نوکیں جنگے بندات بیت کہ آئی ما دیمے سیکشن ءِ سرپد بووگ ءِ جہد کنیں۔

پئوج، پی ٹی آئی، سوشل میڈیا:

چشکہ برز ءِ مینشن انت کہ پی ٹی آئی ایندگہ پارٹی ءِ چہ سوشل میڈیا ءِ استعمال ءِ بہتر ءِ منظم ترین رنگے ءِ کنت انت۔ پئوج ءِ کوشست ءِ باوجود پی ٹی آئی پئوج ءِ اے دراہیں سینیریو ءِ توک ءِ چہ دراہیگ ءِ نیل ات ءِ پئوج ءِ ہلاپ ءِ بیانہ جوڑ کنگ ءِ کامیاب بیت انت۔ پولیٹکل حکومت ءِ بدل ءِ پئوج ءِ ٹارگٹ کنگ ءِ گوں پی ٹی آئی ریاست ءِ اصل طاقت ءِ گیش بلیک میل کت کن انت۔ ہمے مکسد ءِ گوں پی ٹی آئی سوشل میڈیا ءِ منظم رنگے ءِ استعمال بندات کنت، اے بیانہ ءِ جوڑ کنگ ءِ کامیاب بنت کہ عمران خان ءِ حکومت ءِ

هلاپ ۽ امریکه ۽ سازش کنگ ۽ یک سائفر ۽ شکل ۽ پئوج ۽ را گشگ بوتگ که عمران خان چه حکومت ۽ در کنگ به بیت انت گڑا همے هاترا ایشانی حکومت هلاس کنگ ۽ کامیاب بنت۔ اے درگت ۽ جنرل باجوه امریکه ۽ گوم ۽ سازش کنگ، بلے در حقیقت اے بیانیہ بنت که جوڑ کنگ بنت دانکه گیش ۽ گیش پئوج بلیک میل کنگ به بیت انت۔ همے وڑ یکیں وهدا اے پئوج ۽ توک ۽ لابنگ بندات کن انت ۽ دو می نیمگ ۽ احتجاج ۽ اے دگه کار چشکه لانگ مارچ، پروگرام، ریلی، احتجاج ۽ اے دگه کار، اے دراهیں کارانی مکسد پئوج دباؤ دایگ که آپی ٹی آئی ۽ سپورٹ بکنت بلے جنرل عاصم منیر ۽ قابض پئوج ۽ بطور چیف آف آرمی اسٹاف ۽ گون ایگ ۽ پی ٹی آئی ۽ هلاپ ۽ کریک ڈاؤن بندات بیت انت۔ اسلام آباد ۽ ڈی جی آئی ایس آئی عاصم منیر وتی مردم نادین ات ۽ اے ایشانی مردمان سک ٹارچر کنت ۽ اے نیمگ ۽ پی ٹی آئی پئوج ۽ هلاپ ۽ بیانیہ بندات کنت انت۔ پدا 9 مئی 2023 کئیت که عمران خان گرگ بیت ۽ ایشی سپورٹر ۽ ممبر پئوجی کیمپ آنی سرا دور کناں بزانه که جی ایچ کیو، پشاور کینٹ، کوئٹہ کینٹ دراهیں جاهاں پئوجی کینٹ آنی سرا ارش کن انت، پدا پئوج واپس پی ٹی آئی ۽ سرا سخت تریں رنگ ۽ کریک ڈاؤن کنت، ایشانی پارٹی ۽ پروشگ ۽ کوشست کنت، ایشانی مردمان چه پارٹی ۽ در کنگ ۽ هاترا مجبور کنت، ایشانی احتجاج ۽ ریلی آنی سرا کریک ڈاؤن بیت انت۔ ادا چه پاکستان یک نوکیں انٹرنل جنگ ۽ توک ۽ کپیت ۽ پئوج باقاعدگ ۽ واتر سرجمیں پولیٹکل معاملات ۽ وتی دست ۽ کنت ۽ پیسرا که پشست ۽ چه مختلف ۽ شکل ۽ سیاسی معاملات آنی توک ۽ دور کنگ ۽ بیت پدا سرجم ۽ دیم ۽ کئیت ۽ واپس پاکستان ۽ دراهیں سیاسی چست ۽ ایرانی پشت ۽ وتی ونگ ۽ جوڑ کنت ۽ ایکٹیو کنت۔ عمران خان کوشست کنت که پئوج ۽ هلاپ ۽ بغاوت ۽ بیاریت ۽ پدا سرجم ۽ طاقت ۽ مرکز ۽ سرا کبزه بکنت چشکه ترکی ۽ توک ۽ اردوگان

کنت بلے ناکام بیت ء اے ناکامی ء پشت ء ایشانی پارٹی ء سرا کریک ڈاؤن بندات بیت انت۔ کریک ڈاؤن ء پد پارٹی ء ایندگہ دراہیں ایکٹیوٹی بند بنت بلے ایشانی سوشل میڈیا مہکمیں رنگ ء کار کنت۔

سوشل میڈیا ء استعمال وھدے نسبت ء مہکمیں رنگ ء دیم ء کثیت انت، ٹوئٹر، فیسبک ء یوٹیوب سئیں جاہاں مختلف طریقہ کار ء گوں چینل، گروپ ء اکاؤنٹ جوڑ کنگ بنت انت، ایشانی لہتیں مردم کہ صحافی ء صورت ء دیم ء زانگ بنت ڈنی ملک ء در کاینت ء ڈنی ملک ء یوٹیوب چینل ء ٹوئٹر اکاؤنٹ ایکٹیو کن انت ء ٹارگٹ پئوج ء کن انت۔ پئوج ء ٹارگٹ کنگ ء بنیادی مکسد پئوج ء را دباؤ دایگ کہ آپ ڈی ایم ء پشت پناہی یل بکن انت ء پی ٹی آئی ء گوم ء یکجا بہ بنت ء طاقت ایشانی ہوالہ ء کنگ بہ بیت انت۔ چشکہ پاکستان ء لس مہلوک ء چونیں ہم پارٹی ء بہ بیت آوت پئوج ء جنیدے پیداور انت ء پئوج ء گوم ء تعلق دار انت گڑا پریشر کنگ ء صورت ء پئوج ء توک ء وتی لابی ء کامیاب ء دیم ء آرگ لوٹ انت۔ اے دراہیں حالات ء پاکستان ء توک ء یک سیاسی non stability پیداک کنگ۔ پئوج دراہیں سیاسی چست ء ایراں ء سنبہالگ ء انت، ڈنی دراہیں تعلق ء معاملات ء پئوج ء مردم ڈیل کنگ ء انت ء معیشت ء بگر داں ایندگہ دراہیں جاہاں پئوج ء وتی کبزه مہکم کنگ ء سیاسی جماعت گیش پئوج ء گوم ڈیل کنگ ء یکے دومی ء حکومت ء چہ کشگ ء وتی حکومت کنگ لوٹ انت۔ انیگیں قبضہ گیر ء الیکشن آئی مستریں مثال انت کہ بلوچستان ء توک ء ایش سیٹ کروڑانی توک ء بہا کنگ بنت ء کجام کہ گیش زر دنت ہما سیٹ ء کثیت ء پئوج گیش وتی مردم ء حکومت ء کاریت ء جاہ دنت انت۔ پئوج کوشست ء کنت کہ دراہیں پارٹی ء انگیچ بکن آن ء دراہیں پارٹی ء یک یک جاہ حکومت

دنت دانکہ دراہیں وش بہ بنت بلئے گیشتر پارٹی مرکز ۽ حکومت لوٹ
 ایت ۽ اے درگت ۽ آپئوج ۽ دباؤ دایگ یلا نہ کن آنت۔ اے وهداں
 ہالت ایش انت کہ ملک ۽ وزیر داخلہ نا پارٹی ۽ گوں تعلق داریت نا
 سیاست ۽ گوں وابستگی ۽ است بلئے پئوج ۽ مردم ۽ گڑا آثرہ وزیر
 داخلہ جوڑ کنگ ہمے وڑ علاقہ ٹو علاقہ اسٹیبلشمنٹ ۽ حکومت بہر
 ۽ بانگ کنگ۔ پنجابی کہ مدام پئوج ۽ پشت ۽ اوشنگیں یکیں قوم
 بوتگ مروچی پنجابی ۽ را ہم قبضہ گیر پئوج ۽ دردے سرا داتگ،
 بلوچستان ۽ چہ بندات بوتگیں بیگواہی ۽ لہتیں کیس پنجاب ۽ ہم
 دیم ۽ انگگ، گوکہ آکیس آنی نوعیت دگر آنت ۽ لوٹ ۽ مکسد ہم
 بلئے اے گپ زانگ بہ بیت کہ اے وهداں پئوج وتی ساخت ۽ ادارہ ۽
 رکینگ ۽ ہاترا دراہیں کارا کنگ ۽ انت۔ میاں استمانی میڈیا ۽ توک ۽
 ملک رسوا انت، چین ۽ سعودی وڑیں اتحادی کہ مدام پاکستان ۽
 واستہ مہربان بوتگ آنت بلئے ملک ۽ اے حالتانی گندگ ۽ پد اے گپ
 ۽ مارگ ۽ آنت کہ پاکستان ۽ دیمروئی ۽ ہج رنگیں وڑ نیست انت ۽
 سعودی ۽ چین وتی وام ۽ فنڈانی شرائط ۽ روچ پہ روچ گیش کنگ ۽
 آنت۔ اسٹیبلشمنٹ ۽ بازیں گیم ۽ چہ اسٹیبلشمنٹ ۽ جنڈے پیداوار
 سیاست دان آہاں چہ زر بوتگ آنت، مروچی پی ٹی آئی ۽ واستہ
 چینکس کہ یوٹوبر ۽ سوشل میڈیا ایکٹیوسٹ ایکٹیو آنت، اے اکثر و
 بیشتر آرمی ۽ جند ۽ ٹرین کنگ آنت دانکہ پروپیگنڈا ۽
 misinformation ۽ واستہ کارمرز بہ بنت بلئے مروچی ہمے چیز آئی
 جنڈے گٹ ۽ لوپ جوڑ بوتگ آنت۔ فضل الرحمان ۽ آئی پارٹی
 جمعیت علما اسلام کہ اسٹیبلشمنٹ ۽ نزدیک ترین مردم بوتگ
 مروچی آئی ۽ را عہدہ رسگ ۽ نہ انت پئوج ۽ ہلاپ ۽ در انگگ، ہرچ
 پارٹی ۽ ہرچ گروپ چہ پئوج ۽ امید دارگ ۽ انت کہ طاقت ۽ مرکز ۽
 پئوج آئی ۽ را کاریت بلئے ادا چہ زانگ بیت کہ ریاست سیاسی ہوالہ ۽
 چینکس کھوکلا بوتگ ۽ ہرچ ملک سرمایہ کاری ۽ ایندگہ پروجیکٹ ۽

کار کنگ ۽ چہ پیسر پاکستان ۽ چہ سیکورٹی ۽ سیاسی استحکام ۽ لوٹ ۽ کنگ ۽ انت۔

مذہبی ریڈکلائزیشن، اقلیت ۽ سرا ظلم ۽ کشمیر موومنٹ:

پاکستان سیاسی ۽ سیکورٹی حوالہ ۽ ناکام بووگ ۽ ابید نندگ ۽ واستہ ہم یک جنہم ۽ جوڑ بوتگ۔ انیگیں زوت ۽ کشمیر موومنٹ ۽ دومی نیمگ ۽ پاکستان ۽ توک ۽ مذہب ۽ نام ۽ کشت ۽ کوش ۽ اقلیت ۽ دباہینگ ۽ جہد ۽ کوشست ۽ چہ پاکستان ریاست ۽ کم یک ناکامیں ریاست ۽ جنگلے جوڑ بوتگ، پاکستان ۽ توک ۽ سالانہ شش لاکھ ۽ گیش مردم ڈن ۽ در کثیت ۽ ہر دومی مردم ادا چہ در ایگ ۽ دگہ ملک ۽ راوگ ۽ سیٹل بووگ ۽ جہد کنگ ۽ انت۔ پنجابی پئوچ ۽ کشمیر ۽ افغانستان ۽ توک ۽ مذہبی ریڈکلائزیشن ۽ پالیسی ۽ گوں پاکستان ۽ مذہب جنونیت وتی انہتا ۽ سر انت۔ گواستگیں یک سالے ۽ توک ۽ پنجاب ۽ 5 ۽ چہ گیش جشیں واقعہ دیم ۽ اتنگ کہ ہودا ٹیچر، tourist ۽ غیر ملکی بلاسفیمی ۽ نام ۽ گروپ ۽ حساب ۽ مردمانی نیمگ ۽ چہ زندگ ۽ آس دایگ ۽ کوش بوتگ انت ۽ ریاست ۽ دراہیں پولیٹکل پارٹی ۽ لیڈرشپ اے معاملہ ۽ ہاموش بوتگ ۽ گیش ایشی ۽ پھیلاینگ ۽ انت۔ ہمے وڑ اے میاں ۽ احمدی کمیونٹی ۽ کرسچن مذہب ۽ گوں بندوکیں مردمانی سرا سئے چار ارش ۽ گیش بوتگ کہ ہزارانی حساب ۽ مردمان ایشانی لوگ ۽ جائیداد ۽ سرا دور کتگ ۽ ایش تاوان داتگ انت، ہندو آنی واستہ اے ملک جنہم ۽ چہ کم نہ انت گوں ۽ ہر روچ یک ہندو ۽ زور مسلمان کنگ ۽ کوشست کنگ بیت یا گشگ بیت ہمے ہال دارہیں اقلیت ۽ گوں بندوکیں مردمانی جوڑ انت۔ دومی نیمگ ۽ انیں زوت ۽ کشمیر ۽ توک ۽ سر چست بوتگیں

موومنٹ ء یک رندے پدا پاکستان ء پروپیگنڈا پرورش دانگ کہ آ کشمیر
ء نمائندگی ء کنت، کشمیر ء توک ء پئوج ء راہ دایگ، ہزارانی حساب ء
مردم ء گرگ ء جیل کنگ، بیگواہ کنگ ء بازیں ء روزانی سرا فائرنگ
کنگ ء کشگ ء چہ پاکستان ء اے گپ پدر کتگ کہ پاکستان ناکامیں
ریاست ء گیش ہج ء نہ انت کہ دراہیں قوم ء گوں طاقت ء توپک ء
زور ء داشتگ ء وتی ہمبہراہ کنگ لوٹگ ء انت۔